



5

監本大字冊府元龜卷之八百八十一

總錄部一百二十一

交友

交友之道其於向與自天子至於庶人未有不須友以成者也
故傳有三益之訓易著斷金之象營道同術義表於切磋文要
不忘情見於死生又豈遠方之為樂淡水之相成哉中古而下
蓋有同得比義神交心照或傾蓋以投分或刎頸而為歡靡思
志操之異遂忘年齒之隔結髮以供仕納祿以偕往敦風雨之
信忘蓬草之賤通家而益厚弈世而逾親以至撫字孤孀拯濟
危阨殺身以自誓抱節而不變斯皆古之不謫不瀆相生相死
之士歟

管仲字夷吾穎上人也少時常與鮑叔牙游鮑叔知其賢管仲
貧困常欺鮑叔終善遇之不以為言已而鮑叔事齊公子小白
管仲事公子糾及小白立為桓公子糾乃死管仲因為鮑叔遂
進管仲管仲既任用於齊齊桓公以霸九合諸侯一匡天下管
仲之謀也管仲曰吾始困時常與鮑叔賈分財利多自與鮑叔
不以為我為貪知我貧也吾嘗為鮑叔謀事而更困窮鮑叔不
以為我為愚知時有利不利也吾嘗三仕三見遂於君鮑叔不
以為不肯知我不違時也吾嘗三戰三走鮑叔不以為怯知我
有老母也公子糾欺召忽死之吾幽囚受辱鮑叔不以為我為無
耻知我不羞小節而耻功名不顯於天下也生我者父母知我
者鮑叔也鮑叔進管仲以身下之子孫亦祿於齊有封邑百十

餘也常為名大夫天下不多管仲之賢而多鮑叔能知人也韓詩

外傳鮑叔有疾管仲為之不食不內水漿審威患之曰鮑叔有疾而為之不內水漿無益於鮑叔又將自傷且鮑叔非思臣之也昔者吾嘗親為之內水漿不亦失宜乎管子曰非之所知不勇者知吾不肖者知吾不遇賢主人吾與鮑叔分財而多自與不以我為不肖者知吾不遇賢主人吾與鮑叔分財而多自與為知已者死焉為知御者良鮑子卒天下莫知安用水漿誠有亦何可傷乎之死

晏嬰齊大夫孔子稱晏平仲善與人交久而敬之

季扎吳公子也聘於鄭見子產如舊相識

伍參楚大夫與蔡大師子朝友其子伍舉與聲子相善也子朝

之子伍舉子胥伍舉娶於王子牟王子牟為申公而獲罪楚

人伍舉實送之伍舉奔鄭將遂奔晉聲子將如晉遇之於鄭郊

班荆相與食而言復

班布也布荆坐地共

議歸楚事朋友在親

復子

申包胥楚大夫伍負與申包胥友其亡也謂申包胥曰我必復

楚國也復報申包胥曰勉之子能復之我必能與之

孟獻子魯大夫有友五人樂正裘牧仲也獻子以其富貴下此

五人者皆賢人無位者禮而就之也

曾子以子張死有母之喪齊哀而往哭之或曰齊哀不以弔其

無服曾子曰汝巧也與哉往於朋友哀痛甚而非之

羊角哀左伯桃二人為死友欲仕於楚道阻遇雨雪不得行饑

寒自度不俱生伯桃為角哀曰俱死之後骸骨莫收內手捫心

知不如子生恐無益而棄子之能我樂在樹中角哀聽之伯桃

入樹中而死楚平王愛角哀之賢以上卿禮葬伯桃角哀夢伯

桃曰蒙子之恩而後厚葬正苦荆將軍家相近今月十五日當

大戰以決勝負角哀至期日陳兵馬詣其家作三桐人自殺下

而從之此殃也下口然諾之信

青荊豫讓之友也為趙襄子參乘襄子游於園中至於梁馬却

不肯進襄子曰進視梁下前類有人類青荊進視梁下豫讓却

寢佯為死人叱青荊曰去長者且有事趙襄子青荊曰少而與

子友子且為大事而我言之失相與交友之道子將賊吾君而

我不言失為人臣之道如我者唯死為可退而自殺

趙有處士毛公藏於博徒薛公藏於賣漿家魏公子無忌從此

二人結交游

廉頗為趙將以藺相如為上卿頗不忍為之下宣言曰我見必辱之藺相如望見廉頗引車避匿廉頗聞之肉袒負荊至藺相如門謝罪曰鄙賤之人不知將軍寬之至此也卒相與為歡為刎頸之交

張儀始嘗與蘇秦俱事鬼谷先生秦自以不及儀蘇秦已說趙王而得相約從親然恐秦之攻諸侯敗約後負念莫可使用於秦者乃使人微感張儀曰子始與蘇秦善今秦已當路子何不往游以求通子之項張儀於是之趙謁求見蘇秦蘇秦乃誡門下人不為通又不得去者數月已而見之坐之堂下賜僕妾之食因而數讓之曰子之材能乃自令困辱至此吾寧不能言而富貴子子不足收也謝去之張儀之來也自以為故人永益反見辱怒念諸侯莫可事獨秦能苦趙乃遂入秦蘇秦已而告其舍人曰張儀天下賢士吾殆弗如也今吾幸先用而能用秦者獨張儀可爾然必無因以進吾恐其樂小利而不遂故召辱之以激其意子為試陰奉之乃言趙王發金幣車馬使人微隨張儀與同宿舍稍稍近就之奉以車馬金錢所欲用為取給而弗告張儀遂得以見秦惠王惠王以為客卿與謀伐諸侯蘇秦之舍人乃辭去張儀曰賴子得顯方且報德何故去也舍人曰臣非知君知君乃蘇君蘇君憂秦伐趙敗從約以為非君莫能請歸報張儀曰嗟乎此吾在術中而不悟吾不及蘇君明矣吾又新用安能謀趙乎為吾謝蘇君蘇君之時儀何敢言且蘇君在儀寧渠能乎

宋玉楚大夫初因其友

無姓名

而見於楚襄王待之無以異宋王

讓其友其友曰夫薑桂因地而生不因地而辛婦人因媒而嫁不因媒而親予之事王未爾何怨於我宋玉曰不然昔者齊有良兔曰東郭俊蓋一旦而走五百里齊又有良狗曰韓盧亦一旦而走五百里使之遙見而指屬則雖韓盧不及衆兔之塵若躡迹而縱縲則雖東郭俊亦不能離今子之屬臣也夫躡迹而縱縲與遙見而指屬與

漢陳餘年少父事張耳與為刎頸交

刎斷也刎頸文春言託契深重雖斷頸絕頭無所顧

也後封代王相趙

龔勝字君賓龔舍字君倩皆楚人相友著名節故時號之楚兩龔勝位至大中大夫歸老於鄉里舍拜光祿大夫不起

張釋之為廷尉持法平允中尉條侯周亞夫與梁相山都侯王恢咸結為親友繇以天下稱之

汲黯善灌夫鄭當法及宗正劉棄疾黯位至主爵都尉

蕭育為人嚴猛尚武居官數免稀遷少與陳咸朱博為友著聞當時往者有揚貢公故長安語曰蕭朱結縲王貢彈冠言其相薦達也蕭育與陳咸俱以公卿子顯名咸最先進年十八為左曹二十餘為御史中丞時朱博尚為杜陵亭長為咸育所攀援入王氏後遂並歷刺史郡守相及為九卿而博先至將軍上卿歷位多於咸育遂至丞相育與博後有隙不能終故世以交為難矣

何武以射策甲科為郎與翟方進交志相反

王吉與貢禹為友，吉稱王揚在位，貢公彈冠。彈冠者且言其敢入仕也。

舍同也。吉位諫議大夫。

傳喜封高武侯，與鄭互同門學，相友善。同門謂同師也。

陳遵少與張竦俱為京兆史，竦博學通達，以廉儉自守而遵放

縱，不拘操行，雖異然相親。友哀帝之末，俱著名，字為後進冠。後

進人士之冠首也。

後漢趙喜友善韓仲伯等數十人，位太傅。

杜林字伯山，與馬援同鄉里，素相親厚。援從南方還，林馬適死，

援令子持馬一疋遺林，曰：「朋友有車馬之饋，可具以備乏。」林受

之，居數月，林遣子書曰：「將軍內施九族，外有賓客，望思者多。」

林父子兩人食列，鄉祿常有盈，今送錢五萬，援受之。謂子曰：「人

當以此為法。」是杜伯山所以勝我也。林位司空。

寇恂從光武破群賊，數與鄧禹謀議，恂竒之。因奉牛酒，共交歡。

恂位執金吾。

臯弘為揚州從事，家代為吳郡寇族，少有英才，與桓營相善。

廉范與洛陽慶鴻刎頸交，時人稱曰：「前有管鮑，後有慶廉。」范位

至蜀郡太守。

孔僖曾祖父子建，少遊長安，與崔篆友善。僖與篆孫駟復相友。

善僖位臨津令。

尹敏與班彪親善，每相遇輒日盱忘食，夜分不寢，自以為鍾期

伯牙。莊周惠施之相得也。敏位長安令。

梁鴻友人京兆高恢，少好老子，隱於華陰山中。及鴻東游，思恢

作詩曰鳥之嚶嚶兮友之期念高子兮僕懷思想念恢兮爰集
茲二人遂不復相見恢亦高抗終身不仕

王符安定臨涇人少好學有志操與馬融竇章張衡崔援等並
友善

馬寔字伯騫勤結英雄所欲友接負笈荷擔不遠萬里山陽王
暢未仕時寔慕高名往存之留暢門投刺暢欲不肯見使從者
拒之云行歷未旋寔留連日日往伺之謂從者曰夫孝子事親
行不踰日而至今不歸非孝子也欲待與相見如函於路往而
不返哭之以為死文暢聞其言歎息壯志因執其手揖行與入
美談畢請入見母以寔定好而別

陳重少與同郡雷義為友俱學魯詩顏氏春秋太守張雲舉重

孝廉重以讓義前後十餘通記雲不聽義明年舉孝廉重與俱

在郎署後俱拜尚書郎義坐事黜退重見義去亦以病免又云雷義

舉茂才讓於陳重刺史不聽義遂佯狂披髮走不
應命鄉里為之語曰膠膝自謂堅不如陳與雷也

范冉冉或陳留外黃人少為郡小吏與王奐親善奐後為考城

令境接外黃屢遣書請冉冉不至及奐遷漢陽太守將行冉乃

與弟協步齎麥酒於道側設壇以待之冉見奐車徒駱驛遂不

自聞惟與弟共辯論於路奐識其聲即下車與相揖對奐曰行

路倉卒非陳闕之所可共到前亭宿息以叙分萬冉曰子前在

考城思欲相從以賤質自絕豪友爾今子遠適千里會面無期

故輕行相候以展訣別如其相追將有慕貴之譏矣便起告違

拂衣而去奐瞻望弗及冉長逝不顧

范式一名字巨卿少游大學為諸生與汝南張劭為友劭字元伯二人並告歸鄉里式謂元伯曰後二年當還將過拜尊見孺子焉乃共剋期日後期方至元伯具以白母請設饌以候之母曰二年之別千里結言爾何相信之審耶對曰巨卿信士必不違母曰若然當為爾醞酒至其日巨卿果到升堂拜飲盡歡而別式仕為郡功曹後元伯寢疾篤同郡郵君章殷子徵晨夜省視之元伯臨盡歎曰恨不見吾死友子徵曰吾與君章盡心於子是非死友復欲誰求元伯曰若二子者吾生友爾山陽范巨卿所為死友也尋而卒式忽夢元伯玄冕垂纓屣而呼曰巨卿吾以某日死當心是時葬永歸黃泉子未我忘豈能相及式恍然覺悟悲歎泣下具告太守請往奔喪太守雖心不信而重違其情許之式未及到而喪已發引既至壙將窆而柩不肯進其母撫之曰元伯之有望也遂停柩移時乃見有素車白馬蹏哭而來其母望之曰必是范巨卿也巨卿既至叩喪言曰行矣元伯死生路異永從此辭會葬者千人咸為揮涕式因執紼而引柩於是乃前式遂留之冢次為脩墳樹然後乃去

崔瑗與扶風馬融南陽張衡特相友好瑗位濟北相

吳祐字季英陳留長垣人郡舉孝廉將行郡中為祖道祐越壇共小吏雍丘黃真歡語移時與結友而別功曹以祐倨請去黜之太守曰吳季英有知人之明卿且勿言真後亦舉孝廉除新蔡長吏稱其清節時公沙穆游大學無資糧必變服客傭為祐賃春祐與語大驚遂共定交於杵臼之間祐以光祿四行遷膠

東侯相時濟北戴宏父為縣丞宏年十六任丞舍祐每行園常聞諷讀之音竒而厚之亦與為友卒成儒宗知名東夏官至酒泉太守

申屠蟠友人陳郡馮雍生事繫獄豫州牧黃琬欲殺之或勸蟠不肯行曰黃子琬琬之字也為吾故耶未必致罪如不用吾言雖往何益琬聞之遂免雍罪蟠累徵不起

荀淑博學有高行與李固李膺同志友善淑位即陵侯相

張皓字叔明治律春秋游學京師與廣漢鍾離漢中李邵蜀郡張霸共結為友善皓位司空

宋楊女為章帝貴人被譖自殺楊免歸本郡郡縣因事復捕繫之楊友人前懷令山陽張竣左馮翊沛國劉均等奔走解釋得以免罪

逢萌北海都昌人與同郡徐房平原季子雲王君公相友善萌初為亭長後連徵不起

岑暉南陽棘陽人有高才郭林宗朱公叔等皆為友暉後州郡察舉三府交辟並不就

李膺性簡尤無所交接唯與同郡荀淑陳寔為師友位長樂少府

李燮廉方自守所交皆舍短取長好成人之美時潁州荀爽賈彪雖俱知名而不相能燮並交二子情無適莫去稱其平正位

河南尹

趙岐亡命賣餅北海市中孫嵩於市見岐遂以俱歸嵩先入白

母曰出行從乃得死友迎入上堂響之極歡藏岐復壁中數年位大常

韓說舉孝廉與議郎蔡邕友善位江夏太守

王烈大原人以潁川大丘為師二子為友時潁川荀慈明賈偉節李元禮韓元長皆就大丘學見烈器業過人難服所履亦與相親由是英名著於海內烈察考廉三府辟並不就

郭泰字林宗游於洛陽始見河南尹李膺膺大奇之遂相友善於是名震京師後歸鄉里衣冠諸儒送至河上車數千兩林宗唯與李膺同舟而濟衆賓望之以為神仙烏泰徵有道不就王允大原祁人也仕州郡為冠蓋同郡郭林宗嘗見允而奇之曰王生一日千里王佐才也遂與定交位司徒

陳群字長文紀之子也魯國孔融高才倨傲年在紀群之間先與紀友後與群交更為紀拜由是顯名仕魏至司空

何顥與陳蕃李膺善時為宦者所陷乃改姓名亡匿汝南間所至皆親其豪傑有聲荆豫之域袁紹慕之私與往來結為奔走之交後辟司空府

楊政嘗過馬武稱疾見政對几墟牀歆令政拜牀下入戶前排武徑上牀坐武恨言語不懌政因把武臂責之曰卿蒙恩稱蕃臣不思求賢報國而驕天下英俊會信陽侯至責數武乃合為朋友位左中郎將

許鴻卿汝南人與同郡周伯靈交友伯靈早亡鴻卿養育其子閔仲叔恬靜養神弗役於物與同黨相及黨每遇仲叔共含菽

飲水以博士不就

應順字華仲汝南人少與同郡許敬善敬家貧親老無子為敬去妻更娶位將作大將

袁紹好游俠與張孟卓何伯求吳子卿許子遠王德瑜等皆為奔走之友紹位至冀州牧

禰衡平原人建安初游許下孔融深愛其才衡始弱冠而融年四十遂與為交友

魏傳蝦字少與冀州刺史裴徽為散騎常侍荀魁善徽魁早亡又與鎮北將軍何曾司空陳泰尚書僕射荀顛後將軍鍾毓並善相友綜朝事俱為名臣蝦位尚書僕射

鍾繇荀攸相與親善攸先亡子幼繇經紀其門戶欲嫁其妻與人書曰吾與公寔攸字也曾共使朱建平

相建平曰荀君雖少然當以後世付鍾君吾時謂之曰唯當嫁卿阿鷺尔何意此子竟早隕沒戲言遂驗乎今欲要嫁阿鷺得善處追思建平之妙雖繇位至大傳唐舉許負何以復如也

袁霸陳郡扶樂人渙從事弟子魏初為大師農與同郡何夔並知名於時而霸子亮夔子曾與渙子侃復齊聲友善

杜恕為散騎黃門侍郎時李豐為常侍黃門郎袁侃見轉為吏郎荀侯出為東郡太守二人皆恕之同班友善

黃即弘通有性實與東平右姓王惠陽為碩交惠陽親拜即母於其牀下即既仕至二千石而惠陽亦歷長安令酒泉太守故時人為惠陽外似麤疎而內堅密能不顧即之本末事即母如已母為通度也

華歆與北海邴原管寧俱游學三人相善時人號三人為一龍

散為龍頭原為龍腹寧為龍尾散位太守

陳驕為郡功曹使過太山太山太守東郡薛悌異之結為親友戲謂驕曰以郡吏而交二千石隣國君屈從陪臣游不亦可乎悌後為魏郡及尚書令皆承代驕

蜀許靖汝南人始兄事潁川陳紀與陳郡袁渙平原華歆東海王郎等親善靖入蜀為司徒歆即及紀并靖子群魏初為公輔大臣咸與靖書申陳舊好情義款至

司馬徽字德操嘗造龐德公值其渡沔上祝先人墓德操徑入其室呼德公妻子使速作黍徐元直向云有客當來就我與龐公譚其妻子皆羅列拜於堂下奔走供設須臾德公還直入相就不知何者是客也德操年小德公十歲兄事之呼作龐公故

士人遂謂龐公是德公名非也

諸葛孔明每至龐德公家獨拜林下德公初不令止

向即字巨達少師事司馬德操與徐元直韓德高龐士元皆親善位至丞相長使

張裔蜀郡城都人也少與韃為揚恭友善位輔漢將軍

張飛字翼德少與閔羽俱事先主羽年長數歲飛兄事之位車騎將軍

張嶷巴西郡人召為從事郡內士人襲祿姚佃位二千石當世有聲名皆與嶷友善

徐庶字元直先名福與石韜字廣元相親愛初平中中州兵起乃與韜南客荊州到又與諸葛亮時相善及荊州內附孔明與劉備相隨去福韜俱來北至黃初中韜仕歷郡守典農校尉福

至右中郎將御史丞建大和中諸葛亮出隴右間元直廣元仕財如此難歎曰魏殊多士耶何比二人不見用乎

揚戲性雖簡隋未嘗以其言加人然篤於故舊與巴西韓儼黎韜童幼相親厚後儼痼疾廢頓韜無行見指戲經紀振卹恩好如故位射聲校尉

吳張昭字子布與琅琊趙昱東海王卽俱發名友善位輔吳將軍

陸績字公紀時虞翻舊齒名盛龐統荊州令士年亦差長皆與績友善位偏將軍

魯肅臨淮人也家富於財周瑜為居巢長百人故過侯肅并求資糧肅家有西困米各三千斛肅乃指一困與周瑜瑜益知其竒也遂相親結定僑札之分肅後使荊州到當陽與劉備會時諸葛亮與相隨肅謂亮曰我子瑜友也即共定交肅卒諸葛亦為發哀位橫江將軍

呂蒙為偏將軍領尋陽令魯肅代周瑜當之六口過蒙屯下肅意尚輕蒙問肅曰與閔羽為隣將何計畧因為肅畫五策肅附其背曰呂子明吾不知師才略所及乃至於此也遂拜蒙母結友而別

聶友字文悌豫章人為郡功曹使至都諸葛恪友之時論謂顧子嘿子直其間無所復容恪欲以友居其間由是知名

顧邵為豫章太守初錢塘丁諳出於後伍揚羨張秉生於庶民烏程吳粲雲陽殷禮起乎微賤邵皆收之友之秉遭大喪親為

制服結絰邵當之豫章發在近路值秉疾病時送者百數邵辭
賓客曰張仲節秉之字也有疾苦不能來別恨不見之暫還與訣諸
君少時相待

張溢為中郎聘蜀與諸葛全結金蘭之好

嚴竣避亂江東與諸葛瑾步騭齊名友善性質直純厚其於人
物忠告善道志存補益位尚書令

陳表少知名與諸葛恪宦譚張休等並侍東宮皆共親友尚書
暨豔亦與表善位偏將軍

吳範為人剛直頗好自稱然與親故交接有終始素與魏滕同
邑相善滕有大罪大帝責怒甚嚴敢諫死死範謂滕曰與汝偕
死滕曰死而無益何用死為範曰安能慮此坐觀汝也乃髡頭

自縛詣門下使鈴下以聞鈴下不敢曰死不敢白範曰汝有子
邪曰有曰使汝為吳範子以屬我鈴下曰諾乃排閤入言未卒
帝大怒欲使投以戟遂巡走出範因笑突入叩頭流血言與涕
並良文帝意釋乃免滕滕見範謝曰父母能生長我不能免我
於死丈夫相知如汝足矣何用多為爾位大史令

吳祺與張溫顧譚友善

孫皓為征虜將軍善於交結與諸葛瑾至厚位征虜將軍

呂岱親近吳郡徐原慷慨有才志岱知其可成賜巾構與共言
論後遂薦拔官至侍御史原性忠莊好直言岱時有得失原輒
諫爭又公論之人或以告岱岱歎曰是我所以貴德淵者也及
原死岱哭之甚哀曰德淵呂岱之益友今不幸岱復於何聞過

譚者美之位大司馬

鄭曹有文學操行與陸雲善與雲時相往反

高岱字孔文受性聰達輕財貴義其友士收奇取於未顯所友
八人無名氏皆世之美偉也

監本冊府元龜卷之八百八十一

監本冊府元龜卷之八百八十二

北齊總錄部一百三十二

交友第二

晉夏侯湛幼有盛才文章宏富善構新詞而美容觀與潘岳友
善每行止同輿接箇京都謂之連壁位散騎常侍

嵇康恬靜寡欲寬簡有大量東平呂安服康高致每一相思輒
千里命駕康友而善之康所欲神交者陳留阮籍河內山濤與
其流者河內向秀沛國劉伶籍兄子咸琅琊王戎遂為竹林之
游世所謂竹林七賢也康位中散大夫

山濤字巨源與嵇康呂安善後遇阮籍便為竹林之之交著忘
言之論康後坐事臨誅謂子紹曰巨源在汝不孤矣濤挽與尚

書和道交又與鍾會裴秀並申款昵以二人居勢爭權濤平心處中各得其所而俱無恨焉位司徒

阮籍素與王渾為友子戎年升隨渾在即舍戎少籍二十歲而籍與之交籍適渾俄傾輒去過視戎良久然後出謂渾曰濬冲王戎字也清賞非卿倫也共卿言不如共阿戎談戎每遇籍為竹林之游戎嘗後至籍曰俗物已復來敗人意戎笑曰卿輩意亦復易敗爾籍位步兵校尉

羊曼任達頽縱好飲酒温峇庾亮阮放桓彝同志友善並為中興名士時州里稱陳留阮放為宏伯高正郝鑿為放伯太山胡毋輔之為達伯濟陰卞壺為裁伯陳留蔡謀為即伯陳留阮孚為誕伯高平劉綏為秀伯而蔓為黯伯允八伯蓋擬古之八雋

曼位丹陽尹

王接字祖游平陽太守柳澹散騎侍郎裴遐尚書僕射鄧攸皆與接友善位尚書殿中郎山簡為征南將軍鎮夏口華軼以江州作難或勸簡討之簡曰與彥夏華軼字也舊友為之惆悵簡豈利人之機以為功伐乎其篤厚如此

戴若思有風儀性閑爽少好游俠不拘操行遇陸機赴洛船裝甚盛遂與其徒掠之若思登岸搥胡牀指麾同族皆得其宜機察見之非常人在舫屋上遙謂之曰卿才器如此乃復作劫和若思感悟因流涕投劔就之機與言深加賞異遂與定交焉位驃騎將軍

王敦謝鯤庾鼓阮脩皆為王衍所親善號為四友而亦與王澄

狎又有光逸胡毋輔之等亦與焉酣讌縱誕窮歡極娛位大將軍

王匡字孝孫本兵家子寓居洛陽卓犖不羈初為護軍府軍士胡毋輔之與瑯琊王澄母北地傅暢中山劉興穎川荀邃河東裴遐迭屬河南功曹甄述及洛陽令曹攄請解之攄等以制旨所及不敢輔之等齎羊酒詣護軍門門吏疏名呈護軍護軍嘆曰諸名士持羊酒來將有以也匡時以給府養馬輔之等入遂坐馬廐下與匡炙羊飲酒醉飽而去竟不見護軍大驚即與匡長假因免為兵東嬴公滕辟為車騎舍人不就

劉琨少負志氣有縱橫之才善交勝已頗浮誇與范陽祖逖為友聞逖被用與親故書曰吾枕戈待旦志梟逆虜常恐祖生先吾著鞭其意氣相期如此琨為并州牧

裴邵字道期元帝初為安東將軍以邵為長史王導為司馬二人相與為深交友及道期卒王導為司空既拜嘆曰裴劉王喬在吾不得獨登此位

王龔清操過人常有宰相之望與王沈齊名友善

紀瞻少與陸機兄弟親善及機被誅瞻卹其家周至及嫁機女資送同於所生位驃騎將軍

王機字令明慕王澄為人澄亦雅知之以為己亞遂與友善機位交州刺史

荀崧字景猷與王濟何邵為拜親之友崧補僕陽王允文學又與王敦顧榮陸機等友善

虞驥字思行潭之兄子也雖機幹不及於譚然而素行過之與
譙國桓彞俱為吏部郎情好甚篤彞遣温拜驥使子谷拜彞
荀羨弱冠與王洽齊名沛國劉惔大原王濛陳郡殷浩並與交
好位兗州刺史

周訪為縣功曹陶侃為散吏訪薦侃為主簿相與結友

許邁丹陽句容人也少恬靜不務仕進有高世之心王羲之每
造之未嘗不终日忘歸相與為世外之交

習鑿齒為桓温別駕善尺牘論議温甚器遇之時清談文章之
士韓伯伏滔等並相友善

鄧粲長沙人少以高潔著名與南陽劉麟之南郡劉尚公同志
友善並不應州辟命

王濛字仲祖與沛國劉惔齊名友善惔常稱濛性至通而自然
有節濛每云劉君知我勝我自知時人以惔方荀奉倩濛比表
曜卿几稱風流者舉濛惔為宗焉位司徒左長史

桓温與庾翼友善常相期以寧濟之事位大司馬

謝安居東土共王羲之孫綽李克許詢道林皆文義冠世共相
友昵位太傅

陸機與弟雲造張華華素重其名如舊相識機為原平內史
宋王弘隱于會稽與魯國孔淳之為莫逆交

何黜與陳郡吳國張融會稽孔稚桂為莫逆之交

孔淳之隱居剡山嘗遇桑門法崇於三山披襟領契自以為得
意之交

劉敬宣字万壽為散騎常侍寬厚待士多伎藝弓馬音律無事不善時尚書僕射謝琨自負才地少所交納與敬宣相遇便盡歡或問琨曰卿未嘗輕交與人而傾蓋於万壽何也琨曰人之相知豈可以一途限孔文舉禮大史子義夫豈有非之者邪謝述為彭城王長史尚書僕射殷景仁領軍將軍劉湛並與述為異常之交美風姿善舉止湛每謂仁曰我見謝道兪未嘗足道兪述小子也卒於吳興太守喪還京師未至數十里景仁湛同乘迎赴望船流涕

臧凝之學涉經史有當世才具與司空徐湛之為異常之交蔡廓與北地傅隆相善廓子興宗修父友敬向柳有學藝才能大尉袁淑司空徐湛之東陽州刺史顏竣皆與友善

謝靈運為侍中以疾東還會稽與族弟惠連東河海長瑜顏川荀雍太山羊璿之以文章賞會共為山澤之游時人謂之四友蕭惠開為太子舍人與汝南周郎同官友善以偏奇相尚

顏延之既廢於家中書令王球名公子延之慕焉球亦愛其材情好甚款

何偃叔悠之與琅邪王徽相善悠之卒徽與偃書曰吾與義興直恨相知之晚每惟君子知我若夫嘉我小善矜余不能唯偃賢爾

王僧虔為太子舍人退黜交接與袁淑謝莊善

孔邁字世遠好典故事學與王儉至交

南齊杜京產開舍授學徵為員外散騎侍郎不就會稽孔道徵

守至業不仕京產與之友善一曰會稽孔覲清剛有節一見而為歎友

王思遠與顧嵩之友善嵩之卒後家貧思遠迎其兒經卹甚

至至柳岳隆字產緒當時名士王延之沈琰雅相欽慕以為君子之

交交徐伯珍東陽人積學十年究尋經史遊學者多依之徵士沈儼

造膝談論申以素交

檀超為南徐州西曹書佐與別駕惠開相抗禮惠開自以地位

居前稍相凌罵超囁以地勢推之謂惠開曰我與卿並有何等

官俱是國家微時外戚爾何以一爵高人惠開欣然更為刎頸

之交之交

謝淡仕達仗氣不榮當世與順陽范泰為雲霞之交

孔稚珪字德璋會稽人也稚珪風韻清疏好文詠與外兄張融

情趣相得又與琅邪王思遠廬河何點點弟裔並歎友又云稚珪早立

名譽當時名士陸惠曉謝滌張融何點沈淵相與為君子之交

王僧孺初與任昉遇竟陵王西邸以文學友會及僧孺出為唐

令昉贈詩其畧曰子唯見知唯余知子觀行視言要終猶始敬

之重之如蘭如芑

梁范雲字彥龍父抗為郢府參軍雲隨父在郢時吳興沈約新

野庾杲之與抗同府見而友之

劉季運與會稽人石文安相善文安字守休隱居鄉里專行禮

讓代季運為尚書左丞出為江夏內史又代季運入為御史中

丞

劉訐一造阮孝緒即顧以神交訐族兄歆幽履高操三尺日夕招攜故都下謂之三隱

蕭勵少交結唯與河東裴子野范陽張瓚善

韋正與東海王僧孺友善及僧孺為尚書吏部參掌大選賓友故人莫不傾意正獨澹然及僧孺擯廢之後正復篤素分有踰曩日論者稱焉

張率吳郡人與同郡陸倕幼相友狎常同載詣左衛將軍沈約適值任昉在焉約乃謂昉曰此二子後進才秀皆南金也卿可與定交由此與昉友善

陸倕與樂安任昉友善為感知已賦以贈昉昉因此名以報之裴子野性曠達自云出世不復詣人初未與張纘過便虛相推重因為忘年友

韋粲為外兵參軍兼中兵時潁川庾仲容吳郡張率前輩盛名與粲同府並忘年交友

謝徽與河東裴子野沛國劉顥同官友善子野嘗為寒夜直宿賦以贈徽為感友賦以讎

何遜弱冠舉秀才范雲見其對策相稱賞因結忘年交友

到溉與兄沼弟洽俱知名樂安任昉大相賞好天監初昉出守義興要溉洽之郡為山澤之游昉還為御史中丞後進宗之時有彭城劉孝綽到苞劉孺吳郡陸倕張率陳郡殷芸沛國劉顥及溉洽車軌日至號曰蘭臺聚陸倕贈昉詩云和風雜美氣下

有真人游壯矣荀文若賢哉陳大丘今則蘭臺聚方今信為儔
任君本達識張子復清修既有絕塵到復見黃中劉時謂昉為
任君比漢之三君到則漑兄弟也後漑為左民尚書不好交游
唯與朱异劉之遴張綰同志友密及卧疾於家可羅雀三君每
歲常鳴騶枉道存問置酒叙平生而去

陳徐伯陽為侯安都司空參軍大建初與中記室李爽記室張
正見尚書郎賀徹學士阮卓黃門郎蕭詮三公即王由禮處士
馬摠記室祖孫登比部賀循長史劉刪等為文會之友後有蔡
凝劉助陳暄孔範亦與焉游宴賦詩勒成卷軸伯陽為其集序
盛傳於世

江摠聰敏篤學有文范陽張纘琅琊王筠南陽劉之遴並高才
碩學摠時少有名纘等雅相推重為忘年友

後魏崔模長者篤厚不營利與崔頤相親往來如家

封軌與光祿大夫武道孫惠蔚同志友善蔚每推軌曰封生之
於經義非但章句可竒然標明網格統括大歸吾所弗如者多
矣

辛紹先敏悟有識量與廣平游根范陽盧度世同郡季承等甚
相友善

盧義僖寬和畏慎不忌交款與魏子建情好尤篤言無所隱
索敞初在涼州之日與鄉人隆世隆文學相友世隆至京師被
罪徒和龍留上谷困不前達士人徐能抑掠為奴五年因行至
上谷遇世隆語其由狀對泣而別敞為訢理得免

畢衆敬自兗州刺史徵還京師年七十六本和中高祖賓禮舊老衆敬與咸陽公高允引至方山雖文武奢好好尚不同然亦與允甚相愛敬接膝談欵有若平生

李彪為度支尚書與宋弁結管鮑之交弁為大中正與孝文私議猶以寒地處之殊不欲微相優假彪亦知之不以為恨及弁卒彪痛之無已為之哀誄備盡辛酸

李志字鴻道彪之子博學有才幹年十餘歲便能屬文彪甚奇之謂崔鴻曰子宜與鴻道為二鴻於洛陽鴻遂與志交欵往來張彛性公彊有風氣歷覽經史與盧淵李安民等結為親友往來朝會相追隨淵為令安民與彛並為散令

崔休舉秀才入京城與中書郎宋弁通直郎邢巒雅相知友

曹奘表性雅正涉獵群書與武威賈思伯范陽盧同隴西辛雄等並相友善

李叔弔好學博聞有識度為鄉閭所稱本和中拜中書博士與清河崔光河間邢巒並相親友

羊深有風尚學涉經史好文章兼長几案少與隴西李神儁同志友善

邢臧博學有藻思與裴敬憲盧觀兄弟等並結交友

封肅為尚書左中兵部郎中性恭儉不妄交游唯是崔勵及勵從兄鴻尤相親善

裴伯茂為廣平王文學文藻富瞻好飲酒既卒後殯於家園友人常景李渾王元景盧元明魏季景李騫等十餘人於墓傍置

酒設祭哀泣涕泣一飲一酺曰裴中書鬼而有靈知吾曹也乃各賦詩一篇李騫以魏收亦與之友寄以示收時在晉陽乃同其作論叙伯茂其十字云臨風想玄度對酒思公榮時人以伯茂性侮傲謂收時詩頗得事實

睦夸少與崔浩為莫逆之交浩為司徒奏徵為中郎辭疾不赴州郡逼遣不得已入京都與浩相見經留數日唯飲酒談叙平生不及忝利浩每欲論屈之竟不能發言其見敬憚如此浩後遂投詔書於夸懷亦不開口夸曰桃蘭卿已為司徒何足以此勞國士也吾便於此將別桃蘭浩小名也浩慮夸即還時乘一騾更無兼騎浩乃以夸騾內之廐中冀相維繫夸遂託鄉人輸租者謬為御車乃得出閔浩知而歎曰睦夸獨行士本不應以

小職辱之又使其人杖策復路吾當何辭以謝也時朝法甚峻夸既私還將有私歸之咎浩仍相左右始得無坐經年送夸本騾兼遣以所乘馬為書謝之夸更不受其騾馬亦西復書及浩之誅為之素服受鄉人弔唁經一時乃止嘆曰崔公既死誰能更容睦夸遂作朋友篇辭義為時人所稱

于忠宣武時為領軍將軍性多猜忌不交勝已唯與直閣將軍初還千牛備身楊保元為斷金之交

胡叟為武威將見車馬榮華者視之蔑如也一見高允曰吳鄭之交以紵縞為美談吾之於予以絃韋為幽贊以此言之彼可無媿也

劉懋性沈雅厚重與交器宇淵曠風流甚美時論高之尚書李

平與結莫逆之交

邢邵十歲能屬文日謂萬餘言文章瞻速未二十名動衣冠吏部尚書隴西李神雋大相欽重引為忘年之交

北齊袁聿修歷任清華趙彥深為水部郎中同在一院因成交友彥深後被沙汰私門生藜藿聿修猶以故情存問往來

陸昂為河間邢邵所賞邵又與其父子璋交游嘗謂子璋云吾以卿老蚌復出明珠

裴讞之雖年少不妄交游唯與隴西辛術趙郡李會頓丘李構清河崔瞻為忘年之友

封孝琬性恬靜頗好文詠太子少保邢部及兵尚書王昕並先達高才與孝琬年位懸隔晚相逢遇分好遂深及孝琬卒靈襯

言歸二人送於郊外悲哭悽慟有感路人

崔瞻為黃門侍中與趙郡李粲為莫逆之交粲將東還瞻遺之書曰仗氣使酒我之常弊詆訶指切在卿尤甚足下告歸吾於何聞過也

裴謙之與楊愔友善相遇則清淡竟日愔每云此人風流警拔裴文季為不亡矣

盧懷仁有行檢善與人交與琅邪王衍隴西李壽之情好相得曾語衍云昔大丘道廣許邵知而不顧嵇生性惰鍾會過而絕言語季孟之間去甚去泰衍以為然

荀仲舉與趙郡李粲交欵粲死仲舉因望其宅為吾言詩十六韻以傷之詞甚悲切

宋游道與頓丘李獎一面更定死交獎曰我年位已高會用第
為左令史第北面於我足矣游道曰不能既而獎為南河尹辟
游道為中正使者相屬以衣恰待之握手歡譔元顥入洛獎受
其命出使徐州都督元孚與城人趙紹兵殺之游道為獎訟寃
得雪又表為請贈過已考一汎階以益之又與劉廐結交託廐
弟粹於徐州殺趙紹後敗梟粹首於鄴市孫騰使客告示司得
五百匹後聽收游道時為司州從事令家人作劉粹所親於州
陳訴於律判許而奏之勅至市司猶不許游道杖市司勒使速
付騰大怒時李獎二子構訓居貧游道後令其求三富人死事
判免之兄得錢百五十萬盡以入構訓其任俠如此

後周韋曼高尚不仕與旋人處玄及安定梁曠為放逸之友周
弘正造曼談譔盡日恨相遇之晚也後請曼至賓舒館曼未赴
弘正乃贈詩曰德星猶未動真車詎肯來當時所欽如此

薛慎字伯護好學能屬文善草書與同郡裴叔逸裴諏之柳蚪
范陽盧柔隴西李際並友善

張軌少好學志識開朗初在洛陽家貧與樂安孫樹仁為莫逆
之友每易衣而出以此見稱

黎景希好占玄象頗知術數而落魄不事生業與范陽盧道源
為莫逆之交

寇雋為鎮東將軍西安縣男少為司徒崔光所知光命其子勵
與雋結友每造光常言移且小宗伯盧辯以雋業行俱崇待之
以師友之禮每有閑暇輒詣雋讌語彌日常謂人曰不見西安

軍煩憂不遣其為道人所敬重如此

柳禮與弘農楊素為莫逆之交

裴居性弘雅有器局為通直散騎常侍隴西李暉范陽盧誕並有高名於世與居結忘年之交

隋劉焯聰敏沉深弱不好弄少與河間劉炫結盟為友

孔紹安越州山陰人少以文信知名徙居京兆鄠縣閉門讀誦文集數十萬言有詞人孫萬壽與紹安篤忘年之好

薛道衡北齊時侍詔文林館與范陽盧思道安平李德林齊名友善

房彥謙有令名少與太原王邵北海高構修縣李綱河東柳或薛繻皆一時知名雅淡之士彥謙並與友雖寇盜成列而門無

雜賓休資文雅深達政務有識者咸以遠大許之彥謙為郡州司馬內史侍郎薛道衡一代文宗位望清顯所與交結皆海內名賢重彥謙為人深加友敬及為襄州總管薛翰往來交錯道路煬帝嗣位衡轉收番州路經彥謙所留連數日泣涕而別裴肅少剛正有局度少與安定梁毗同志友善

崔德年十六太守請為功曹不就少與范陽盧思道隴西辛德源同志友善

崔廓與趙郡李士謙少為忘年之友每相往來時稱李崔及士謙死廓哭之慟為之作傳輸之秘書府士謙死妻盧氏寡居每有家事妻輒令人諮廓取定

元巖以名節自許少與渤海高穎大原王詔同志友善

王孝籍少好學博覽群言與河間劉炫同志友善
李孝貞與從兄儀曹郎中騷太子舍人李節博陵崔子武范陽
盧詢祖為斷金之契

唐高士廉少有器局頗通文史隋司隸大夫薛道起居舍人崔
祖濟並稱先達與士廉結忘年之好由是公卿籍甚

杜淹聰辯多才藝弱冠有美名於京邑與同郡車福嗣為莫逆
之交

揚纂華陰人與琅邪顏思古燉煌令孤德莽友善頗涉經史尤
明史事

劉裔之少與當時詞人孫萬壽李百藥並為忘年之友

劉孝孫弱冠知名與盧世南祭君和孔德紹庾自直劉斌登上
臨水結為交友

朱敬則性敦厚好博學重節義少與右史江融尚書左僕射魏
元忠友善

劉允濟善屬文與絳州王敦早齊名特相友善

陸餘慶少與知名之士陳子昂宋之問盧藏用道士司馬承禎
道人法成等交游雖才學不逮子昂等而風流彊辯過之

王琚聰敏有才畧與周景張仲之為忘年之友

薛登博涉文史與徐堅劉子玄齊名友善

韋陟中書令安石之子與弟斌文華當代俱有盛名開元中才
名之士王維崔顥盧象等常與陟唱和游處廣平公每見陟嘆
曰盛德遺範盡在是矣

蕭昕為左拾遺與布衣張鎬友善

張九齡素與中書侍郎嚴挺之尚書左丞袁仁敬右庶子梁昂卿御史丞盧怡交友善挺之等皆有才幹而交道終始不渝甚為當時之所稱也

郝純少時為李邕張九齡等知遇尤以詞學見推與顏真卿蕭穎士李華邵軫同志友善故天寶中語曰殷顏柳陸蕭李邵趙以其重行義敦交道也

權臯天寶末移家於洪州改著作郎不起京師蹂於胡騎士君子多以家渡江東名如李華柳識兄弟者皆仰臯之德而友善也

于休烈自幼好善屬文與會稽賀朝萬齊融延陵包融為文詞之友齊名一時

楊憑少負氣節重交游然諾與穆質許孟容李傭王仲舒為友故時人稱楊穆許李之友王仲舒大原人少貧養母嗜學工文不就鄉舉交友必一時高名者與楊瑒梁肅裴摠為忘形之契仲舒為拾遺與憑友善及憑得罪仲舒橫議之貶為硤州刺史崔浩與韓會盧東美張正則為友皆僑居上元好談經濟之畧常以王佐自許時人號為四夔

郝士美少好學善記覽父友顏真卿蕭穎士輩嘗與之討論經傳應對如流既而相謂曰吾曹異日當交二郝之間矣

李泌流放江南與柳渾顧况為人外之交吟詠自適

陸贄為中書舍人翰林學士母卒持喪于河南豐樂佛寺日四

方以賻贈為詞願致金帛贄絲毫無所受唯與劔南節度使韋
臯布衣友善臯以事奏聞每有所致輒稱詔以受之及贄罷相
貶忠州而韋臯屢表請以贄代已竟卒於忠州年五十二

裴佖為工部尚書政事清溫敏凡所定交時稱為第一流歿之
日故司徒鄭餘慶請告於御史府行朋友之服縉紳羨之也

韓愈性弘通與人交榮悴不易少時與洛陽人孟郊東郡人張
籍友善二人名位未立愈不避寒暑稱薦于公卿間而籍終成
科第榮於祿位後雖通貴每退公之隙則相與談讌論文賦詩
如平昔焉

柳公綽性端介寡合與錢徽蔣 杜元穎薛存誠文雅相知交
情款密為吏部員外郎及武元衡罷相鎮西蜀與裴度俱為元

衡判官尤相善公綽先度入為吏部郎中度以詩餞別有兩人
同日事征西之句

柳宗元與劉禹錫為執友

元禎與白居易最善為文友

後唐劉贊明宗朝為中書舍人翰林學士竇夢徵同年登策鄰
居友善夢早卒同年楊凝式總麻為位而哭其家無之長與親
喪事卹其孀稚人士稱之

晉劉昫初隱居上谷大寧山與呂蒙竒張鱗結菴共處以吟誦
自娛

新刊監本冊府元龜卷之八百八十三

刺左總錄部一百三十三

形貌

夫人之生也稟秀五行肖類天地故形為神之舍貌為情之華發於至靈彰乎遺體乃有英姿偉量竒骨異表魁華磊落端厚都雅頎長俊茂雄毅挺特蓋由夫氣幹中立容止外著出乎其類曼然不群為殊俗之聳畏蒙時君之欽賞有儀可象於斯為貴亦有器資眇小而識度宏達同時異派而形相克肖至于竒刻異狀兆自襁褓指物象而論擬推善惡以斯驗布在方策咸足徵焉

商伊尹倨身為阿衡

中衍百醫之後鳥身人言一云人面鳥喙太戊聞而卜之使御吉遂至御而妻之

晉文公重耳初為公子及曹曹公聞其駢脅欲觀其裸浴薄而觀之

宋華元皞其目瞞其腹皞出日瞞大腹

宋公子鮑美而艷

宋公子座美而狠初宋芮司徒生女子赤而毛弃諸堤下共姬之妾取以入名之曰弃長而美平公入文姬

納諸御嬖生佐惡而婉即元公也生座美而狠

鄭子太叔美秀而文

陳武子子彊也白皙點鬚眉甚口甚口多口

子產日角

晏平仲月角

尾生犀角

柳下惠子魚反角

孔子長九尺有六寸人皆謂之長而異之狀類陽虎適鄭與弟

子相失孔子獨立郭東門鄭人或謂子貢曰東門有人其類似

堯其項類皋陶其肩類子產然自要以下不及禹三寸纍纍若

喪家之狗三肅曰喪家之狗主人哀死不見飲食故纍然而不

也韓詩外傳曰喪家之狗既斂而廊有席而祭顧望無人也子貢以實告孔子孔子欣然笑

曰形狀末也而似喪家之狗然哉然哉

魯顓孫師字子張魯參曰堂堂乎張也難與並為仁矣言子張容儀盛

而於仁道薄也

有若魯人孔子弟子孔子既沒弟子思慕有若狀似孔子弟子相與共立為師師之如夫子時也

淳于髡齊之贅壻長不滿七尺

優孟楚之樂人長八尺

鄒忌脩八尺有餘身體肥麗

田文為齊相封孟嘗君文過趙趙平原君客之趙人聞孟嘗君賢出觀之皆笑曰始以薛公為魁然也今視之乃眇小丈夫爾

漢張良字子良狀貌如美婦人後封留侯

陳平長大美色而肥或說平於漢王曰平美丈夫如冠玉爾後至右丞相

韓王信長八尺五寸

張倉為秦御史亡歸沛公略地過武陽倉當斬解衣服鑽倉長

大肥白如匏王陵見美乃言沛公公赦之後至丞相又云倉不

八尺余倉子復長八尺及孫毅長六尺余

公孫弘對策為第一召入見容貌甚麗拜為博士待召金馬門東方朔長九尺三寸目如懸珠齒如編貝後至侍郎

郭解為人短小恭儉

田千秋為高寢郎上急變訟戾太子寃武帝召見千秋長八尺體貌甚麗帝見而說之至丞相

吳良為東平王所薦詔曰前見良頭髮皎然衣冠甚偉求賢助國宰相之職今以良為議郎

翊勤曾祖父楊兄弟形皆偉壯唯勤祖父偃長不滿七尺常自

耻短恐子孫之似也乃為子伉生勤長八尺三寸後至司徒耿秉有偉体腰帶八圍後至光祿勳

鄧衍以外戚小侯每豫朝會容姿趨步有出於衆頭宗目之曰朕之容貌豈若此人時賜輿馬衍雖有容儀而無實行後至玄武司馬

楊喬為尚書容儀偉麗

賈逵身長八尺二寸諸儒為之語曰問事不休賈長頭為侍中

李固字子堅司徒郤之子貌狀有奇表昂角匿犀足履龜文角

者項有骨如鼎足也匿犀伏犀謂骨當額上入髮際隱起也足履龜文者二千石見象書後位太尉

盧植字子幹身長八尺二寸音聲如鍾後至尚書

鄭玄身長八尺飲酒一斛秀眉目容儀温偉後徵大司農不赴

臧洪体貌魁梧有異姿後至東郡太守

傅燮身長八尺有威容後至漢陽太守

郭泰身長八尺容貌魁偉聲如鍾後徵有道不起

趙壹体貌魁梧身長九尺美鬚豪眉望之甚偉辟公府不就

高獲字敬公為人屈首方面尼首首象尼丘中下四方高也三公爭辟不就

蔡邕為中郎將董卓雖用邕邕恨其言少從謂從弟谷曰董公

性剛而遂非終難濟也吾欲東奔兖州若道遠難達且遯逃山

東以待之何如谷曰君狀異常人每行觀者盈集以此自匿不

亦難乎邕乃止

霍光長財七尺三寸財與白皙疏眉目美鬚髯後至大將軍

金日磾長八尺二寸容貌甚嚴後至車騎將軍

江克為人魁岸容貌甚壯武帝望見而異之謂左右曰燕趙故多奇士後為繡衣直指使者

龔遂為渤海太守宣帝召見遂形貌短小帝見心內輕焉及對賜黃金乘傳去

朱雲字子游長八尺余貌甚壯以勇士聞後至槐里令直不疑壯貌甚美後至御史大夫

王商為丞相長八尺身體鴻大容貌甚過絕人河平四年單于來朝引見白帟殿在未央宮中丞相商坐未央廷中單于前拜謁商

單于來見天子而經未央廷中過也商起離席與言單于仰視商貌大畏之遷延却去天子聞而嘆曰此真漢相矣

樓護為人短小精辯後至天水太守

嚴延年為人短小精悍後至河南太守薛宣好威儀容止可觀後至丞相

息夫躬容貌偉麗為眾所異後至左曹光祿大夫後漢東平王蒼腰帶八圍

李通父守為王莽宗卿師身長九尺容貌絕異蓋延字巨卿身長八尺後至左馮翊

馬援為人明白鬚髮眉目如畫東規記曰援長七尺五寸色理髮膚眉目容貌如畫後至伏坡將軍

鉞期長八尺二寸容貌絕異矜嚴有威後至衛尉祭彤為質厚毅體貌絕眾後至太僕

虞延字子大陳留人長八尺二寸腰帶十圍力能扛鼎後至司

徒

班超字仲叔為人大忠不修小節嘗行詣相者相者曰祭酒布

衣諸生爾下坐所尊則先祭酒今而當封侯萬里之外超聞其

狀相者曰生燕額偉頭飛而肉食此萬里侯相也後為西城都

護封定遠侯

公孫瓚遼西人為大美姿貌大音聲言事辯慧語畧曰瓚性辯

教曹無有忘誤太守奇其才以女妻之魏志云佚太守妻之以女後至奮武將軍封

薊侯

劉表長八尺餘姿貌甚偉後至荊州牧

馬騰長八尺身體洪大面鼻雄異後至衛尉

袁紹初為郎容貌端正威儀進止動見倣效後至大將軍冀州

牧

魏孟達容止可觀文帝甚器愛之以為散騎常侍領新城太守

管寧長八尺美鬚眉累微不起

何夔曾祖父熙字孟孫身長八尺五寸軀肥魁梧善為容儀舉

孝廉為謁者贊拜殿中音動左右和帝佳之夔長八尺三寸容

貌矜嚴後至太僕

崔琰聲姿高暢眉目疏朗鬚長四尺後遷中尉

司馬郎祖父俊字元異博學好古倜儻有大度長八尺三寸腰

帶十圍儀狀魁岸與眾有異鄉黨宗族咸景附焉後至兗州刺

史

程昱字仲德長八尺三寸美鬚髯後至衛尉

典韋形貌魁梧膂力過人後為校尉

滿寵子偉以格度知名偉子長武偉弟子奮元康中至尚書令

司隸校尉寵偉長武奮皆長八尺

許褚字仲康長八尺餘腰帶十圍容貌雄毅後至武衛將軍

王脩孫襲長八尺四寸容貌絕異終身不應徵聘

樂進字文謙容貌小短膽烈過人從太祖為帳下吏後至盪寇

將軍

何晏字平叔美姿容帝疑其傅粉賜湯餅令晏食之汗出流面

拭之轉白後至尚書

蜀諸葛亮少有逸群之才英霸之器身長八尺容貌甚偉時人

異焉後至丞相

趙雲子龍身長八尺姿顏雄偉為本郡所舉將義旅從吏部詣

公孫瓚後至鎮軍將軍

彭萊字永年身長八尺容貌甚偉後為江陽太守

譙周字允南身長八尺躰貌素朴後光祿大夫入就封陽亭城

侯

馬超字孟起來降關羽書與諸葛亮問超人才可誰比類亮知

羽護前乃荅之曰孟起與翼德爭先未若髯羽之絕倫羽多鬚

髯故亮謂之髯羽超後至驃騎將軍涼州牧

張裕饒鬚為益州從事

吳諸葛恪長七尺六寸少鬚眉折額大口高聲為大將軍

大史慈長七尺七寸美鬚髯猿臂善射

孫韶身長八尺儀貌都雅

周瑜字公瑾長壯有姿貌後至偏將軍

朱撫有姿貌膂力後至驃騎將軍

呂範字子衡汝南人有容冠姿貌邑人劉氏家富女美範求之其母嫌歆勿與劉氏曰觀呂子衡寧當久貧賤者邪遂與之婚後至大司馬

陳武字子烈年十八長七尺七寸後至校尉

董襲字元代長八尺武勇過人後至偏將軍

陳化字元輝氣幹剛毅長七尺九寸雅有威容後至太常

晉樂廣字彥輔父方參魏征西將軍夏侯玄軍事廣年八歲玄

常見廣在路因呼與語還謂方曰向見廣神姿朗徹當為名士

卿家雖貧可令專學亦能興卿門戶也衛瓘嘗曰此人之冰鏡

見之瑩然若披雲霧而覩青天也後至尚書令

羊祐身長七尺三寸美鬚眉大原郭奕見之曰此今之顏子也

後至征南大將軍

石苞字仲容潯海南皮人也雅曠有智局容儀偉麗不修小節

時人謂之語曰石仲容姣無雙後至大司馬

衛玠字叔寶年五歲風神秀異祖父瓘曰此兒有異於衆顧吾

年老不見其成長耳搃角乘羊車入市見者皆以為玉人觀之

者傾都驃騎將軍王濟玠之舅也雋爽有風姿每見玠輒嘆曰

珠玉在側覺我形穢又嘗語人曰與玠同游固若明珠之在側

朗然照人玠妻父樂廣有重名議曰者以為婦翁冰清女婿玉

潤為太子洗馬懷帝末至建業京師人士聞其姿容觀者如堵
玠勞疾遂甚永嘉六年卒時二十七時人謂玠被看殺

王衍字夷甫神情朗秀風姿詳雅王敦過江常稱之曰夷甫處
中如珠玉在瓦石間顧愷之作畫贊亦稱衍崑崑清峙壁立千
仞其為人所尚如此衍弟澄嘗謂衍曰兄形似道而神峯大雋
衍曰誠不如卿落落穆穆然也後為大尉

王戎字濬冲幼穎悟神彩秀徹視日不眩裴楷目之曰目爛爛
如巖下電戎後為司徒

戎子萬有美貌少而肥大戎令食糠而肥愈甚

裴楷字叔則風神高邁容儀俊爽時人謂之玉人又稱見裴叔
則如近玉山映照人也為中書郎出入宮省見者肅然改容後

至光祿大夫開府儀同三司疾篤召遣黃門郎王衍省疾楷廻
眸矚之曰竟未相識衍深嘆其神雋

裴瓚字國寶楷子也為中書郎風神高邁見者皆敬之

嵇康早孤有奇才遠邁不群身長七尺八寸美詞氣有風儀而
土木形骸不自藻飾人以為龍章鳳姿天資自然後至中散大
夫

趙至字景真代郡人嵇康每曰卿頭小而銳童子白黑分明有
白起之風矣後至幽州從事

潘岳字安仁美姿儀辭藻絕麗少時嘗挾彈出洛陽道婦人遇
之者皆連手榮饒投之以果遂滿車而歸後至給事黃門侍郎
夏侯湛字孝若美容觀與潘岳友善每行止同輿接茵京都謂

之連壁後至散騎常侍

阮籍字嗣宗容貌瓌傑志氣宏放後至步兵校尉

魏舒身長八尺二寸姿望秀偉文帝深器重之每朝會罷日送之曰魏舒人之領袖也後至司徒

陸機字士衡身長七尺其聲如鍾後至平原內史

王肅身長八尺余鬚長三尺容貌絕異音聲動人

王湛字處冲少有識度身長七尺八寸龍顏大鼻後至汝南太守

劉升龍須昌人赤色大脣少言語自縣小吏至雍州刺史

王裒少立操尚行己以禮身長八尺四寸容貌絕異音聲清亮辭氣雅正博學多能三徵七辟皆不就

唐彬身長八尺後至雍州刺史

庾鼓長不滿七尺而腰帶十圍雅有遠韻後為太傅主簿

王導耳豎多疾每自憂陳訓曰耳豎必壽亦貴後至丞相

王矩字令武美姿容游觀者盈路

杜乂字弘理性純和美姿容有盛名於江左王羲之見而目之曰膚若凝脂眼於漆此神仙人也桓彝亦曰衛玠神清杜乂形清後至丹陽丞

王濛善隸書美姿容嘗覽鏡自照稱其父字曰王文開生如此兒邪居貧帽敗自入市買之媼悅其貌遺以新帽後至中書郎王彪之字叔武年二十鬚鬢皓白時人謂之玉白鬚後至儀同三司光祿大夫

郝恢少襲父爵散騎侍郎累遷給事黃門侍郎領太子右衛率
恢身長八尺美鬚髯孝武帝深器之以為有藩伯之望
張光字景武身長八尺明眉目美音聲後至京州刺史

王恭美姿儀人或多目之云濯濯如春月柳又嘗被鶴氅涉雪
而行孟昶窺見嘆曰神仙中人後至北平將軍兗青二州刺史
桓溫生未晷溫嶠見之曰此兒有奇骨可試使啼及聞聲曰真
英物也年長豪爽有風槩姿貌甚偉面有七星少與沛公八悛
善悛常稱之曰溫眼如紫石稜鬚作蝟毛磔孫仲謀晉宣王之
流亞後至大司馬

桓玄形貌瓌奇風神踈朗

盧循謀之曾孫雙眸同徹瞳子四轉後假廣州刺史

劉牢之字道堅面紫赤色鬚目驚人而沈毅多計畫後至輔國
將軍

前趙劉義孫年十歲身長七尺五寸眉目如畫雖少離屯難流
躓殊荒而風骨俊茂爽朗卓然及身長八尺三寸髮與身齊多
力善射驍捷如風雲曜偽立為太子

游于遠幼有姿貌聰亮好學劉曜以為車騎大將軍

後趙張謚美姿貌幼有逸氣

前秦苻融堅之季弟少而岐嶷風裁魁偉美姿度堅以為車騎
大將軍

王猛瓌雋偉博學好兵書苻堅以為丞相

後秦尹緯身長八尺腰帶十圍魁梧爽氣姚荒以為尚書僕射

前燕慕容恪字玄恭皝之第四子也幼沈深有度皝未之奇也年十五身長八尺七寸容貌魁傑雄毅嚴重每所言及輒經綸去務皝始異焉乃授之以兵及慕容儁嗣位以為侍中錄尚書事

高瞻少而英爽有俊才身長八尺二寸慕容暭署為將軍

韓常字景山師事同郡張載載奇之常身長八尺一寸慕容儁以為楊烈將軍

宋南郡王義宣為荊州刺史白皙美鬚眉長七尺五寸腰帶十圍

謝晦美風姿善言笑眉目分明髮如點膝時謝混風采為江左第一常與晦俱在武帝前帝見之曰一時頓有兩玉人尔晦至

荊州刺史

謝莊大帝常弘微之子韶令美容儀文帝見而異之謂尚書僕射殷景仁領軍將軍劉湛曰藍田出玉豈虛也哉孝武選侍中四人並以風貌玉或與莊為一雙院韜何偃為一雙常克兼假薛安都少以勇聞身長七尺八寸便弓馬後至左將軍

王敬弘形貌短小而坐起端方後至左光祿大夫

蓋道風姿貌端雅容止可觀中書郎范述見而奇之曰此荆楚仙人也

南齊李安人面方明帝大會新亭接勞諸軍王樛蒲諸官安人五擲皆盧帝大驚目安人曰卿面方如田封侯狀也後至吳興太守安東將軍

袁彖為侍中形体克腴有異於衆每從車駕射雉在郊野數人推扶乃能徒步

劉善明為征虜將軍身長七尺九寸質素不好聲色

房法乘為交州刺史性方簡身長八尺三寸行出人上常自俯屈青州刺史明慶符亦長與法乘等朝廷唯此二人

陸慧曉為吏部郎孝武欲用為侍中以形短小乃止

沈文季為侍中風爰陵岸善於進止

呂僧珍為門下書佐身長七尺五寸容貌甚偉在同類中少所襲狎曹輩皆敬之

褚淵字彥回美儀貌善容止俯仰進退盛有風則每朝會百僚遠國使者皆延首目送之明帝嘗嘆曰褚彥回能遲行緩步便得宰相矣時人以方何平叔後至司徒

何戢為吏部尚書美儀容動止與褚淵相慕時人呼為小褚公陸僚美姿容鬚眉如畫

梁張緬尚富陽公主年十七身長七尺四寸眉目踈朗神彩爽發後至侍中

王茂字休遠身長八尺美容觀武帝布衣時見之嘆曰王茂年少堂堂如此必為公輔之器後至驃騎將軍開府儀同三司

褚向為侍中風儀端麗眉目如點每公庭就列為衆所瞻望焉沈約左目重瞳子腰有紫志後至尚書令

何照白皙美容貌從兄求點每稱之曰叔寶神清弘治膚清今觀此子復見衛杜在日後至治書侍御史

任昉身長七尺五寸後至新安太守

索君正美風儀善自居處以貴公子得當世名譽後至吳郡太守

何敬容為侍中身長八尺白皙美鬚眉性矜莊衣冠尤事鮮麗每公庭就列容止出入

韋放字元直身長七尺腰帶八圍容貌甚謹歷北徐州刺史

范岫身長七尺八寸恭敬儼恪進止以禮後至光祿大夫

韋粲字長舊身長八尺容貌甚偉後至散騎常侍

陶弘景身長七尺四寸神儀明秀朗目踈眉細髮長耳後為奉朝請上表辭祿

羊侃字祖忻少而雄偉身長七尺八寸後至侍中軍師將軍

楊華少有勇力容貌雄偉後至左衛率

蕭子顯為太尉錄事偉容貌身長八尺

何點明目秀眉容貌方雅真素通美不以門戶自矜徵侍中不起

柳仲禮身長八尺眉目踈朗後至扶風太守

到溉身長八尺美風儀善容止後至金紫散騎常侍

馬憲年十四為國學生祭酒到溉目送之愛其神彩

劉訐尚書郎何喬嘗遇之於路曰此人神風穎俊蓋荀奉倩衛

叔寶之流也命駕造門拒而不見族祖孝標與訐書稱訐及族

兄鼓曰訐超越俗如半天朱霞歆矯矯出塵如雲中白鶴皆儉

歲之梁稷寒年之織纊訐常著縠布巾被衲衣每遊山澤輒留

連忘反神理閑正姿貌甚華在林谷之間意氣彌遠或有遇之者皆謂神人

王暕年數歲而風神警拔有成人之度父儉作宰賓客盈門見暕相謂曰公才公望復在此矣後至尚書左僕射

伏曼容素美風采宋明以方嵇叔夜後至臨海太守

劉孝威氣調爽逸風儀俊舉

江祿形貌短小神明俊發

後梁薛暉河東人有才畧身長八尺形貌甚偉後至領軍將軍陳韓字子高會稽山陰人也家本微賤侯景之亂寓在京都景平文帝出守吳興子高年十六為摠角容貌美麗狀似婦人後至右衛將軍

顧越長七尺三十美鬚眉武帝嘗於重雲殿自講老子僕射徐勉舉越論義越抗首而講音嚮若鍾容止可觀帝深贊美之由是擢為中軍宣城王記室參軍

謝哲字頴豫美風儀舉止蘊籍襟情朗然為士君子所重後至侍中司徒左長史

蕭允字叔然風神凝遠通達有儀鑒容止蘊籍動止合矩後至安德宮少府

王瑒字子璦沈靜有器局美風儀舉止蘊籍

馬樞目精洞黃能視闇中物後至侍中

徐陵目有青精時人以為聰慧之相也後至太子太傅

後魏封翼字君贊美容貌腰帶十圍以兄偉伯立節之勲除給

事

李同執體貌魁岸腰帶十圍後至中書侍郎

陸希道字洪度有風貌美鬚髯後至荊州刺史

寇讚少有清名身長八尺姿容嚴凝非禮不動後至安南將軍
崔浩為左光祿大夫浩纖妍潔白如美婦人

高允孫綽字僧祐少孤恭敬自立身長八尺腰帶十圍後至并
州刺史

乙乾歸為侍御史散大夫身長八尺有氣幹

毛法仁為散騎常侍言聲壯大至於軍旅田狩唱呼處分振於
山谷

宇文延字慶壽體貌魁岸眉目踈朗後至散騎常侍

柳崇方雅有器量身長八尺美鬚明目兼有學行後至河東太
守

柳援字乾護身長八尺儀望甚偉後至正平太守

李秀之字鳳起為尚書都官郎秀之弟子雲字鳳昇本州治中
子雲弟子羽字鳳除征南法曹子羽弟子岳字鳳跣太司馬祭
酒兄弟並容貌魁偉風度審正

李粲字士顯身長八尺五寸容貌魁偉後至建武將軍

趙超宗身長八尺頗有將畧超宗弟令勝亦長八尺踈狂有聲
力後至河東太守

段暉字長祚身長八尺余師事歐陽湯湯甚器愛之後為乞伏
燾盤輔國將軍

李冲年裁四十而鬢髮斑白姿貌豐美未有衰然後至尚書僕射
鄭模字叔軌身長八尺圍亦如之

崔接字顯賓容貌魁偉放邁自高不拘常檢後至樂陵太守
崔孝演字伯則性通率美鬚髯姿貌魁傑後至瀛州西安府外
兵參軍

崔孝直字叔兼身長八尺眉目踈朗早有志尚後除光祿大夫
辭不赴

蕭正表字公儀長七尺九寸眉目踈朗雖質貌豐美而性理短
闇後至司空徐州刺史

畢祖朽身長八尺腰帶十圍後至瀛州刺史

邢巒美鬚髯姿貌甚偉州郡表貢拜中書博士

崔光韶性嚴毅聲韻抗烈與人平淡常若震厲至於兄弟議論
外聞為忿怒然孔懷雍睦人少逮之後至廷尉卿

裴禮和為謁者僕射身長九尺腰帶十圍於群眾之中魁然有
異

李元護身長八尺美鬚髯少有武力後至齊州刺史

王世弼為中山內史身長七尺八寸魁岸有壯氣

路稚字仲畧容貌偉異以軍功為給事中高祖曾封群臣云路
仲畧好尚書郎才僕射李冲云其人宜為武職遂停

盧同字叔倫身長八尺容貌魁偉善於處世後至開府儀同三

司

張普惠字洪賑身長八尺容貌魁偉後至東豫州刺史

劉道斌幼而好學有氣幹及長腰帶十圍鬚髯甚美後至岐州刺史

山強美容貌身長八尺五寸為奏事中散

張吳貴字吳子少聰惠口辯身長八尺容貌奇偉不仕而終徐遵明身長八尺

董徵身長七尺二寸好古學尚雅素後至平東將軍

裴他容貌魁偉儼然有氣望後至中軍將軍

崔瞻字彥通聰明有文藻善容止神彩凝然揚暗曰昔裴瓚在晉為中書郎神清高邁每於禁門出入宿衛者肅然動容崔生堂堂之貌亦當無愧裴子皇建元年除給事黃門侍郎

慕容比頤為南頓太守身長一丈腰帶九尺

北齊李繪字敬文及長儀貌端偉神清朗雋第五舅河間邢晏每與言嘆其高遠曰若披煙霧如對珠玉宅相之奇良在此甥歷中書侍郎丞相司馬每罷朝文武摠集對揚王庭常令繪先發言端為群僚之首音詞辯正風儀都雅聽者悚然文襄益加敬異又掌儀注

慕容儼容貌出群衣冠甚偉後至營州刺史

司馬膺之字仲慶美鬚髯有風貌好學厚自封植神氣甚高歷中書黃門侍郎

高隆之字延興身長八尺美鬚髯沉深有志氣後至太保錄尚書事

高昂字傲曹幼稚時便有壯氣長而傲儻膽力過人龍眉豹頸
姿体雄異後至司徒

崔陵為屯兵尚書清河邑中正趙郡李渾嘗讌聚名輩詩酒正
謹謙陵後至一坐無復談話者鄭伯猷嘆曰身長八尺面如刻
畫為聲欬洪鍾響膏中貯千卷書使人那得不畏服

婁昭方雅正直有大度深謀腰帶八圍弓馬冠時後至定州刺
史

魏蘭根身長八尺儀貌竒偉後至開府儀同三司

王琳体貌閑雅立髮委地喜怒不形於色後至特進侍中

元文遙字行恭美姿貌有父風兼俊才辨位中書舍人待詔文
林館

劉禕聰敏機晤美姿儀為其舅北海王昕所愛顧坐曰可謂珠
玉在傍覺我形穢後至睢州刺史

許惇為殿中尚書美鬚下垂至帶中髡長髯公文宣嘗因酒酣
提惇鬚稱美以刀截之唯留一握惇恐因不復敢長人又髡齊
鬚公

馮偉節身長八尺衣冠甚偉見之者肅然敬憚

卽基字立業身長八尺美鬚髯汎涉墳典後至西海鎮將軍
房豹体貌魁岸美音儀後至樂陵太守

路去病風神踈朗儀表瓌異官至成安令

李祖昇顯祖李皇后之長兄儀容瓌麗垂手過膝後至荊州刺
史

斛律光明月馬面虎身神爽雄傑少言笑工騎射後至左丞相

叱列乎字殺鬼代郡西部人世為酋帥有容貌美鬚髯後至兗州刺史

後周劉亮少倜儻有從橫計畧姿貌魁傑見者憚之後至車騎大將軍開府

豆盧寧少驍果有志氣身長八尺美容儀善騎射後至大司寇

楊忠美鬚髯身長七尺八寸狀貌魁偉武藝絕倫有將帥之畧後至荊州刺史

叱伏列龜容貌魁偉腰帶十圍進止閑雅兼有武藝後至驃騎大將軍開府儀同三司

長孫澄容貌魁岸風儀溫雅後至絳州刺史

竇熾性嚴明有謀畧美鬚髯身長八尺二寸後至雍州牧入隋為太傅

唐瑾性溫恭有器量博涉經史雅好屬文身長八尺二寸容貌甚偉後至司宗中大夫

庾信身長八尺腰帶十圍容止頽然有過人者後至司宗中大夫

宇文仲舉族兄安化公深器異之神情倜儻志畧英贍眉目踈朗儀貌魁梧有識欽之莫不許以遠大後至并州總管

陳忻字永怡少驍勇有氣俠姿貌魁岸同類咸敬憚之後至雄

州刺史

元胄魏昭成帝之六世孫胄少英果多武藝美鬚眉有不可犯之色齊王憲見而壯之引至左右柳帶常字孝孫深沉有度量少好學身長八尺三寸美風儀善占對周文辟為參軍事

李渾字全才姿貌壞偉美鬚髯起家左待上士

隋李德林美容儀善談吐齊天統中兼中書郎於賓館受國書陳使江總目送之曰即河朔之英靈也

竇崇定沉深有器局容貌壞偉美鬚髯便弓馬初仕魏為千牛備身周太祖見而偉之授平東將軍

元暉字叔平鬚眉如畫進止可觀後至魏州刺史

楊素字處通美鬚髯有英傑之表後至左僕射

柳塞言之字正公身長七尺五寸儀容甚偉風神爽亮進止可觀後至黃門侍郎

韋藝為營州總管藝容貌壞偉每夷狄參謁必整儀衛盛服以見之獨坐滿一榻蕃人畏懼莫敢仰視

王士積字闡熙容貌魁岸腰帶十圍風神爽拔有傑人之表後至上柱國

郭崇容貌魁岸外疎內密與其交者多愛之後至右候衛大將軍

李景字道興容貌奇偉膂力過人美鬚髯高祖奇其壯武使祖而觀之曰卿相表當位極人臣後為右武衛大將軍

劉元進少好任俠為州里所宗兩手各長尺餘臂垂過膝後以

逆誅

樊叔畧身長九尺志氣不凡終司農卿

公孫景茂字元尉容貌魁梧少好學博涉經史後至淄州刺史

于顛字元武身長八尺美鬚眉周大冢宰于文護見而噐之妻

以季女後至吳州總管

崔弘度膂力絕人儀貌岸鬚面甚偉後至檢校大府卿

劉犀額龜背望高視遠聰敏沉深弱不好弄後至負外將軍

段逢身長八尺美鬚髯後以王亮黨誅

盧綽字士禧身長八尺姿儀甚偉後至著作佐郎

楊玄感軀貌雄偉美鬚髯後以逆誅

唐薛舉容貌瓌偉凶悍善射

裴寂踈眉目偉姿容後至尚書左僕射

劉文靜偉姿儀有噐幹後至納言

魏徵為太子太師狀貌不逾中人而素有膽智

李靖姿貌瓌偉少有文武材畧後至開府儀同三司

李緯自司農卿為民部尚書時房玄齡在京城留守會有自京

師來者太宗問曰玄齡聞李緯拜尚書如何對曰玄齡但云李

緯好髭鬚更無他語

岑文本性沉敏有姿儀後至中書令

高士廉風調溫雅屬詞清潤姿儀端偉鬚面如畫後至開府儀

同三司

李義琰高宗時為中書侍郎中書門下三品身長八尺

黑齒常之長七尺餘驍勇有謀後至左武衛大將軍

張知謩儀質瓌偉眉目踈朗後至左衛將軍

王峻氣貌雄壯時人謂之有熊虎之狀後至兵部尚書同中書門下三品

蕭高美鬚髯儀形偉麗後為中書令

楊慎矜為御史中丞及兄慎餘為少府少監慎名為洛陽令皆偉儀形風韻高朗慎名嘗覽鏡見其鬚面神彩有過於人覆鏡嘆惋曰五兄弟三人盡長六尺餘有如此材而見容當代以期全難矣何不借我少体弱也

李嗣業身長七尺壯勇絕倫後至北庭行營節度使

張鎬風儀魁岸廓落有大志後為中書侍郎平章事

魯昭身長七尺餘涉獵書史後至山南節度使

李家寵冀州人其形長八尺五寸開元中本州以獻勅曰李家寵士風所育体幹出群因其器用之宜俾在人門之次可武衛長上仍配左監門衛當止

吉頊身長八尺陰毒敢言後至天官侍郎平章事

安祿山垂肚過膝自稱得三百五十斤每朝見玄宗戲之曰朕適見卿肚幾垂至地祿山每行以肩膊左右搯挽其身方能移步玄宗令前胡旋舞武疾如風祿山所乘驛每驛中間築換馬臺不然馬輒死驛家簡祿山所乘馬以土袋五石能馱勝致即以高價市之餼飼待之鞍前更連置小鞍以乘其肚

郭子儀長六尺餘体貌秀傑後至大尉尚父

程千里身長七尺骨相瑰岸後至上黨郡將軍

崔光遠身長六尺餘目睛白黑分明後至劔南節度使

毛若虛眉覆於眼性又殘忍後至御史中丞

張中忠奚種也猛毅魁渠長六尺餘性寬裕事親孝恭後為易

定節度使

朱泚幼壯偉腰帶十圍

李忠臣為汴州節度使嘗因奏對德宗謂之曰卿耳甚大真貴

人也忠臣對曰臣聞驢耳甚大龍耳即小臣耳雖大乃驢耳也

帝悅之

李融為鄭滑節度姿貌魁岸

齊暎興元初為給事中白皙長大言音高朗德宗自興元還京

師常令暎侍或為馬前至城邑鎮守輒令暎宣詔令

史奉敬元和中為朔方將形甚短小若不能勝衣

崔弘禮字從周風貌魁偉自言有大志後至東都留守

楊炎美鬚眉風骨峻峙文藻雄麗後至中書侍郎平章事

郭釗偉姿容身長七尺方口豐下為人以莊默自處後至劔南

節度使

李揆美風儀善奏對後至中書侍郎平章事

李晟年十八從軍身長六尺勇敢絕倫後至大府中書令

馬燧姿度魁異長六尺二寸沉勇多智畧後至司徒侍中

王武俊形体魁偉長六尺餘性寬裕後至成德軍節度使

李元諒長大美鬚髯敢勇多計謀後至司華節度使

李珙長六尺餘氣貌魁岸

裴度為司徒中書令卒狀貌不踰中人而風彩俊爽占對雄辨觀聽者為之聳然

蕭邁為中書侍郎平章事形神秀偉志藻不群少負大節以經濟為己任泊處台司風望尤峻奏對朗拔天子噐之

康謙者善賈資產億計髭鬚三尺過帶

梁李思安性拳勇未弱冠身長七尺超然有乘時自奮之志後至相州刺史

羅紹威為魏博節度使形貌魁偉有英傑氣

趙昶形神灑落臨事有通變之才後至中武軍節度使

胡真體貌洪壯長七尺善騎射後至寧遠將軍節度使

寇彥卿身長八尺隆準方面語音如鍾後至鄧州節度使

劉知俊姿貌雄傑個儻有大志後至同州節度使

後唐李嗣昭形貌眇小而精悍有膽畧後為潞州節度使

盧文紀為大常卿形貌魁偉語言高朗占對鏗鏘健於飲啖奉

使蜀川路由岐下時清泰帝為岐帥以主禮待之觀其儀形旨

趣遇之頗厚

孔邈兗州曲阜文宣王四十一代孫身長七尺餘神氣溫克綽有素風

朱漢賓少有膂力形神壯偉膽氣過人後至太子少保致仕

晉桑維翰身短面廣殆非常人既壯每對鑑自嘆曰七尺之身

安如一尺之面由是慨然有公輔之望後至中書令

華溫琪初事黃巢為供奉官巢敗奔至溫臺以形貌魁岸惧不自容乃投白馬下流俄而浮至淺處又登桑自經枝折不死後果貴焉後至太子少保致仕

張萬進白皙美鬚後至彰義軍節度使

皇甫過少好勇及壯蚪髯善騎射後至華州節度使

盧文進身長七尺飲啗過人望之偉如也後至安州節度使

張彥澤少有勇力目睛黃而夜有光色視瞻若檻獸焉後為荊州節度使

漢劉景叢昂藏巨準時人號為劉大鼻後至太子太師致仕

周和凝幼而聰敏姿狀秀拔神彩射人後為太子太傅

李懷忠形質魁壯勇出人後至左武衛上將軍

新刊監本冊府元龜卷之八百八十四

總錄部一百三十四

薦舉

傳曰惟善人能舉其類又曰儒有忠信以待舉力行以待取故士之懷才抱道者曷嘗不思立功於當年而垂名於後世蓋廉隅之攸尚以銜鬻而為耻焉乃有包韞價之價膺推轂之舉伸於知己揚於王庭繇茲而被竒遇都顯位樹洪伐騰徽音者固不乏矣亦有肇自下位奮於編列上書公車稱薦卿輔而當世之主頗用其言自非倫擬之允諧才德之胥協進以成羽翼之美退而無朋比之嫌者疇克至是哉

漢陳平因魏無知求見漢王漢王召入以平為亞將屬韓王信

軍廣武絳灌等或讒平曰聞平居家時盜其嫂今大王尊官之
令護軍臣聞平使諸將金多者得善處金少者得惡處平反覆
亂臣也願王察之漢王疑之以讓無知問曰有之乎無知曰有
漢王曰公言其賢人何也對曰臣之所言者能也陛下所問者
行也今有尾生孝己之行而無益於勝敗之數陛下何暇用之
乎今楚漢相距臣進奇謀之士顧其計誠足以利國家尔盜嫂
受金又安足疑乎平位至丞相

袁盎為中郎將孝文時張釋之與兄仲同居為騎郎十年不得
調釋之曰父官減仲之產不遂遂猶也欲免歸盎知其賢惜其去
乃請徙釋之補謁者

田叔為漢中守十餘年文帝初立召叔問曰公知天下長者乎
對曰臣何足以知之帝曰公長者宜知之叔頓首曰故雲中守
孟舒長者也是時孟舒坐虜大入雲中免帝曰先帝置孟舒云
中十餘年矣虜常一入孟舒不能堅守無故士卒戰死者數百
人長者固殺人乎叔叩頭曰夫貫高等謀反天子下明詔趙有
敢隨張王者罪三族然孟舒自髡鉗隨張王以身死之豈自知
為雲中守哉漢與楚相距士卒罷敝而匈奴冒頓新服北夷來
為邊寇孟舒知士卒罷敝不忍出言士爭臨城死敵如子為父
以故死者數百人孟舒豈歐之哉言不歐之今戰之是乃孟舒所以為
長者於是帝曰賢哉孟舒復召以為雲中守

鄧公成固人也多奇計建元年中上招賢良公卿言鄧先鄧先
鄧先生也一曰鄧先時免起家為九卿
先生者其名也

揚得意蜀人為狗盜

主天子田獵犬也

侍武帝帝讀子虛賦而善之曰

朕獨不得與此人同時哉得意曰臣邑人司馬相如自意為此賦帝驚乃召問相如相如曰有是此乃諸侯之事未足觀請為天子游獵之賦上令尚書給筆札書奏天子以為郎

嚴助會稽人也邑人朱買臣隨上計吏為卒將重車至長安

買臣卒而與計吏將重車也載衣食具曰重車

詣闕上書書文不報待詔公車糧用乏

上計吏卒更乞句之會助為幸薦買臣召見詔春秋言楚詞帝甚說之拜買臣為中大夫助為會稽太守與買臣俱侍中

徐福茂陵人霍氏奢侈日甚徐生曰霍氏必亡夫侈則不遜不遜必侮上侮上者逆道也在人之右衆必害之霍氏秉權日久害之者多矣天下害之而又行以逆道不亡何待迺上疏言霍

氏泰勝陛下即愛厚之宜以時抑制無使亡書三上輒報聞其後霍氏誅滅而告霍氏皆封人為徐生上書曰臣聞客有過主人見其竈直突傍有積薪客謂主人更為曲突遠徙其薪不者且有火患主人嘿然不應俄其家果失火鄰黑共救之幸而得息於是殺牛置酒謝其鄰人灼爛者在於上行餘各以功次坐而不錄言曲突者人為主人曰使卿聽客之言不費牛酒終亡火患今論功而請賓曲突徙薪亡恩澤焦頭爛額為上客耶主人迺寤而請之今茂陵徐福數上書言霍氏且有變宜防絕之鄉使福說得行則國亡烈士出爵之費臣亡逆亂誅滅之敗往事既已而福獨不蒙其功唯陛下察之貴徙薪曲突之榮使居焦髮灼爛之右上乃賜福布十疋後以為郎

何武成帝時為丞相司直時數有災異武上封事曰虞有宮之
竒晉獻不寐衛青在河淮南寢謀故賢人立朝折衝厭難勝於
亡形司馬法曰天下雖安戰亡必危夫將不豫設則亡以應卒
士不素厲則難使死敵是以先帝建列將之官近戚主內異姓
距外故姦宄不得萌動而破滅誠萬世之長冊也光祿勳慶忌
辛慶忌也行義修正柔毅敦厚謀慮深遠前在邊郡數破敵獲虜外
夷莫不聞乃者大異並見未有其應加以兵革久寢春秋大災
未至而豫禦之慶忌宜在爪牙官以備不虞其後慶忌拜為右
將軍諸史散騎給事中武為人仁厚好進士獎稱人之善為楚
內史厚兩龔在沛郡兩唐兩龔下勝龔舍也及為公卿薦之
朝廷此人顯於世者何侯力也世以此多焉

黃霸為丞相長史坐夏侯勝事下廷尉獄中從勝受尚書既得
出勝復為諫大夫令左馮翊宋畸舉霸賢良勝又日薦霸於上
上擢霸為揚州刺史

蕭望之為太子太傅甘露中諸儒薦張禹有詔望之問禹對易
及論語大義望之善焉奏禹經學精習有師法可試事奏寢

楊興為長安令元帝初即位樂陽侯史高以外屬為大司馬車
騎將軍領尚書事前將軍蕭望之為副望之名儒有師傳舊恩
天子任之多所貴薦高允位而已言在凡事在也與望之有隙興說高

曰將軍以親戚輔政貴重於天下無二然衆庶議論令聞休譽
不專在將軍者何也休善問名彼誠有所聞也以其不能以將

軍之幕府海內莫不仰望而所舉不過私門賓客乳母子弟人

情忽不自知言高輕忽此事不自知其非然一夫竊議語流天下夫富貴在

身而列士不譽是有狐白之裘而反衣之也古人病其若此故

卑体劳心以求賢為務傳曰以賢難得之故因曰事不待賢以

食難得之故而曰飽不待食惑之甚者也平原文學康衡材智

有餘經學絕倫但以無階朝廷故隨牒在遠方階謂升次也隨牒謂選隨補之

常牒不將軍誠召置幕府學士欽然歸仁誠謂實行之也與參事議觀

其所有貢之朝廷必為國器所有謂材藝所長此以顯示衆庶名流於

世高然其言辟衡為議曹史薦衡於帝帝以為郎中

翼奉字少君東海下邳人也博學不仕好歷歷陰陽之占元帝

初即位諸儒薦之徵待詔官者署

王商為太子中庶子以肅敬敦厚稱嗣父為侯推財以分異毋

諸弟身無所受居喪哀感於是大臣薦商行可以厲群臣義足

以厚風俗宜備近臣繇是擢為諸曹侍中中郎將

谷永長安人鴻嘉初御史大夫于永卒上疏曰帝王之德莫

大於知人知人則百僚任職天工不曠故臯陶曰知人則哲能

官人御史大夫內承本朝之風化外佐丞相統理天下任重職

大非庸人能堪當今選於群卿以克其缺得其人則萬姓欣喜

百僚說服不得其人則大職墮斃王功不興虞帝之明在茲一

舉可不致詳竊見少府宣薛宣材茂行潔達於從政前為御史

中丞執憲轂下不吐剛茹柔舉錯時當出守臨淮東留二郡稱

治為左馮翊崇教養善威德並行衆職脩理姦宄絕息辭訟者

歷年不至丞相府赦後餘盜賊什分三輔之一賊什九也功効

卓爾自左內史初置以來未嘗有也孔子曰如有所譽其有所
試宣考績功課簡在兩府不敢過稱以奸欺誣之罪臣聞賢才
莫大於治人宣已有效其法律任廷尉有餘經術文雅足以謀
王體斷國論身兼數器有退食自公之節宣無私黨游說之助
臣恐陛下忽於羔羊之詩舍公實之臣任華虛之譽是用越職
陳宣行能唯陛下留神考察帝然之遂以宣為御史大夫永位
至大司農

揚雄字子雲蜀郡人善屬文客有薦雄文似相如者成帝方郊
詞祀甘泉泰畤汾陰后土以永繼嗣召雄待詔承明之庭後為
大夫

孔光為光祿大夫給事中哀帝詔光舉可尚書令者封上光謝
曰臣以朽材前比歷位典大職卒無尺寸之效幸免罪誅保全
首領今復拔擢備內朝臣與聞政事臣光智謀淺短犬馬齒衰
誠恐一旦顛仆無以報稱竊見國家政事尚書以文次轉遷非
有蹕絕之能不相踰越蹕高遠也尚書僕射敞公政勤職通敏於事

可尚書令謹封上敞以舉故為東太守敞姓成公東海人也師
吳章為王莽所誅敞為大司徒掾自幼吳章弟子收抱章尸歸
葬車騎將軍王舜高其志節表奏以為掾薦為中郎諫大夫王
莽慕位王舜為大師復薦敞可輔職為輔弼之任以病免唐林言敞
可典郡擢為魯郡太尹始時安車微敞為御史大夫復病免去
卒于家

後漢馮異為光武簿異因薦邑子姚期叔壽段建左隆等光武

皆以為掾史

杜林為司馬空司直隗囂將牛即有勇力才氣雄於邊垂囂死乃降林與大中大夫馬援並薦之以為護羌校尉林又薦同郡范逵趙秉申屠剛等皆被擢用士多歸之

鮑駿九江人與丁鴻俱事桓榮甚相友善駿上書言鴻經學志行曰臣聞武王克殷封比干之墓表商容之閭二人無功下車先封之表善顯仁為國之砥礪也伏見丁鴻經明行脩志節清妙明帝甚賢之永平十年詔徵鴻拜侍中

謝夷吾會稽人同郡友人王克為州治中自免還家夷吾上書薦克才學章帝特詔公車徵病不行夷吾為鉅鹿太守左轉下邳令卒魯恭為中牟令會詔百官舉賢良方正薦中牟名士王

方章帝即徵方詣公車禮之與公卿所舉同方致位侍中

杜詩為南陽太守時大司徒陽都侯伏湛策免徙封不其侯邑就國詩上疏薦湛曰臣聞唐虞以股肱康文王以多士寧是故詩稱濟濟書曰良哉臣詩竊見故大司徒陽都侯伏湛自行束脩訖無毀玷篤志好學守死善道經為人師行為儀表前在河內朝歌及居平原吏人畏愛則而象之遭時反覆不離兵凶秉節持重有不可奪之志陛下深知其能顯以宰相之重衆賢百姓仰望德義微過斥退又不復用有識所惜儒士痛心臣竊傷之湛容貌堂堂國之光暉智畧謀慮朝之淵藪鬢髮厲志白首不衰實足以先後王室名足以光示遠人古者選擢諸侯以為公卿是故四方回首仰望京師柱石之臣宜居輔弼出入禁門

補缺拾遺臣詩愚戇不足以知宰相之才竊懷區區敢不自竭
臣前為侍御史上封事言湛公廉愛下好惡分明累去儒學素
持明信經明行脩通達國政允宜近侍納言左右舊制九州五
尚書令一郡二人可以湛代頗為執事所非但臣詩蒙恩深握
所言誠有益於國雖死無恨故復越職觸冒以聞詩雅好推賢
數進知名士清河劉統及魯陽長董崇等鄭衆為中郎將時戊
己校尉耿恭屯車師後王城屯至數百人北匈奴圍恭固守章
帝發兵迎之歸至玉門唯餘十三人衆上疏曰耿恭以單兵固
守孤城當匈奴之衝對數萬之衆連月踰年心力困盡鑿山為
井煮弩為糧出於萬死無一生之望前後殺傷醜虜數千百計
卒全忠勇不為大漢耿恭之節義古今未有宜蒙顯爵以厲將
帥及恭至雒陽鮑昱奏恭節過蘇武宜蒙爵賞於是拜為騎都
尉以恭司馬石修為雒陽市丞張封為雍營司馬軍吏范羌為
共丞恭今衛州餘九人皆補羽林賈逵為中郎將永元中薦東

來司馬均陳國汝郁帝即徵之並蒙優禮田弱一作羽扶風人同

郡法真辟公府舉賢良皆不就弱薦真曰處士法真休兼四業
窮典與幽居恬泊樂以忘憂時蹈老氏之高蹤不為玄纁屈也

臣願聖朝就加袞職必能昌清廟之歌致來儀之鳳矣會順帝
西巡弱又薦之帝虛心欲致前後四徵終不降屈

郎顛北海人順帝陽嘉二年公車徵顛詣闕上書薦黃瓊李固
并陳消災之術曰臣前對十事要政急務宜於今者所當施用
誠知愚淺不合聖聽人賤言廢當受誅罰征營惶怖靡知厝身

臣聞剡舟剡楫將欲濟江海也聘賢選佐將以安天下也昔唐堯在上群龍為用文武創德周召作輔是以能運天地之功增日月之耀也詩曰赫赫王命仲山甫將之邦國若否仲山甫明之宣王是賴以致雍熙陛下踐阼以來勤心庶政而三九之位未見其人是以災害屢臻四國未寧臣考之國典驗之聞見莫不以得賢為功失士為敗且賢者出處翔而後集爵以德進則其情不苟然後使君子耻貧賤而樂富貴矣若有德不報有言不聽來無所樂進無所趨則皆懷歸歎修條其故志矣求賢者上以承天下以為人不用之則逆天統違人望逆天統則災眚降違人望則化不行災眚降則下呼嗟化不行則君道虧四始之缺五際之危其咎由此豈可不剛健篤實矜矜慄慄以守天

工盛大業乎臣伏見光祿大夫江夏黃瓊耽道樂術清亮自然

被褐懷寶含味經籍又果於從政明達變復

言明於變異消復之術

朝廷

前加優寵賓於上位瓊入朝日淺謀謨未就因以喪病致命遂

志老子曰大音希聲大器晚成善人為國三年乃立天下莫不

嘉朝廷有此良人而復怪其不時還任陛下宜加隆崇之恩極

養賢之禮徵反京師以慰天下又處士漢中李固年四十通遊

夏之藝履顏閔之仁潔白之節情同皦日忠貞之操好是正直

卓冠古人當世莫及元精所生王之佐臣天之生固必為聖漢

宜蒙特徵以示四方夫有出倫之才不應限以官次者顏子十

八天下歸仁子奇稱齒化阿有聲若還瓊徵固任以時政伊尹

傳說不足為比則可垂景光致休祥矣臣顛明不知人伏聽衆

言百姓所歸滅否共嘆願汎問百僚覈其名行有一不合則臣
為欺國惟留聖神不以人廢言拜郎中辭病不就

馬融為校書時永初四年護羌校尉龐參以失期下獄融上書
請之曰伏見西戎反叛鈔五州陛下愍百姓之傷夷哀黎元
之失業單竭府庫以奉軍師昔周宣獫狁侵鎬及方孝文匈奴
亦掠上郡而宣王立中興之功文帝建大宗之號非唯兩主有
明敷之姿抑亦干城有虓虎之助是以南仲赫赫列在周詩亞
夫赳赳載在漢策竊見前護羌校尉龐參文武昭備智畧弘遠
既有義勇果毅之節兼以博雅深謀之姿又度遼將軍梁慄前
統西城勤苦數年還留三輔功效克立聞在北邊單于降服今
皆幽囚陷於法網昔荀林父敗績於邲晉侯使復其位孟明視
喪師於渚寒伯不替其官故晉景并赤狄之土秦穆遂霸西戎
宜遠覽二君使參懂得在寬宥之科誠有益於折衝毗佐於聖
化書奏赦參等

皇甫規安定人為郎中託疾免歸規與張奐友善奐為使匈奴
中郎將梁冀被誅奐以吏免官被錮奐既被錮凡諸友舊莫敢
為言唯規薦舉前後七上在家四歲復拜武威太守何休為議
郎史弼坐論論左木刑竟歸田里稱病閉門不出數為公卿所
薦休又訟弼有幹國之器宜登台相徵議郎高彪遷內黃令薦
縣人申屠蟠等

魏蔣濟為中護軍畢軌為并州刺史雜虜數為暴害軌輒出軍
擊鮮卑軻比能失利濟表曰畢軌前失既往不咎但恐是後難

可以再凡人材有長短不可強成軌又雅智意自為美器今失并州與置他州若入官顯職不毀其德於國事實善此安危之要唯聖息察之

蜀徐庶字元直潁州人與諸葛亮友善先生屯新野徐庶見先主先主器之謂先主曰諸葛孔明者卧龍也將軍豈願見之乎先主曰君與俱來庶曰此人可就見不屈致也將軍宜枉駕顧之由是先主遂詣亮凡三往乃見後為御史中丞

吳弘咨曲阿人孫權姊婿也漢末諸葛瑾避亂江東咨見而異之薦之於權與魯肅等並見賓待

嚴峻彭城人也河南徵崇隱於會稽所交結如丞相步騭等咸親焉峻薦崇行足以厲俗學足以為師峻位至尚書令

季衡少時知羊道有人物之鑒往干之衡謂衡曰多事之世尚書劇曹即才也是時校事呂壹操弄權柄大臣畏懼莫有敢言衡曰非季衡無能困之者遂共薦為郎權引見衡口陳壹奸短數千言權有愧色數月壹被誅而衡大見顯擢仕至威遠將軍華覈為東觀令孫皓怒樓玄送廣川覈上疏曰臣竊以治國之體其猶治家主田野者皆宜良信又宜得人人總其條目為作維綱衆事乃理論語曰無為而治者其舜也與恭己正南面而已言所任得其人故優游而自逸也今海內未定天下多事事無大小皆當閑聞動經御坐勞損聖慮陛下既垂意博古綜極藝文加勤心好道隨節致氣宜得閑靜以展神思呼翕清淳與天同極臣夙夜思惟諸吏之中任幹之事足委仗者無勝於樓

玄玄清忠奉公冠冕當世衆服其操無與爭先夫清者則心平而意直忠者惟正道而履之如玄之性終始可保乞陛下赦玄前愆使得自新擢之宰司責其後効使爲官擇人隨才授任則舜之恭已近亦可得

陸凱子禕爲偏將軍凱亡後入爲太子中庶子右國史華覈表薦禕曰禕體質方剛噐幹強固董卒之才魯肅不過及彼召當下徑還赴都道由武昌曾不回顧噐械軍資一無所取在戎果毅臨財有節夫夏口賊之衝要宜選名將以鎮戎之臣竊思惟莫善於禕

晉孫尹樂安人爲陳留相時尚書右僕射劉毅年老以光祿大夫歸第後司徒舉毅爲青州大中正尚書以毅懸車致仕不宜勞以碎務尹表曰禮凡卑者執勞尊者居逸是順叙之宜也司徒魏舒司隸校尉嚴詢與毅年齒相近往者同爲散騎常侍後分授外內之職資塗所經出處一致今詢管四十萬戶州兼董司百僚摠攝機要舒所統殷廣執九品銓十六州論議主者不以爲劇毅但以知一州便謂不宜累以碎事於毅大優詢舒太劣若以前聽致仕不宜復與遷授位者故光祿大夫鄭袤爲司空是也夫知人則哲惟帝難之尚可復委以宰輔之任不可詔以人物之倫臣竊所未安者昔鄭武公年過八十入爲周司徒雖過懸車之年必有可以用毅前爲司隸直法不撓當朝之臣多所按劾諺曰受堯之誅不能稱堯直臣無黨古今所悉是以汲黯死於淮陽董仲舒裁爲諸侯之相而毅獨遭聖明不離輦

穀當去之士咸以為榮毅雖徧有風疾而志氣聰明一州品第
不足勞其思慮毅嫉惡之心小過主者必疑其論議傷物故高
其優禮令去事實此為閭毅使絕人倫之路也臣州茂德唯毅
不用則清濁倒錯矣於是青州自二品已上光祿勳石鑿等共
奏曰謹按陳留相孫尹表及與臣等書如左臣州履境海岱而
叅風齊魯故人俗務本而垂敦德讓今雖不克於舊而遺訓猶
存是以人倫歸行士識所守也前被司徒符當叅舉州大中正
僉以光祿大夫毅純至孝素著在鄉閭忠允亮直竭於事上仕
不為榮惟期盡節正身率道崇公忘私行高義明出處同揆故
能令義士宗其風景州閭歸其清流雖年耆偏疾而神明克壯
實臣州人士所思維繫者矣誠以毅之明格不言而信風之所
動清濁必偃以稱一州咸同之望故也竊以為禮賢尚德教之
大典王制奪與動為開塞而士之所歸人倫為大臣等虛劣雖
廢於前今承尹書敢不列啟按尹所執非惟惜名議於毅之身
亦通陳朝宜奪與大準以為尹言當否應蒙評議由是毅遂為
州都人流清濁區別其所彈貶自親貴者始

華譚廣陵人為本國中正復母憂服闋為邳城令過僕水作莊
子贊以示功曹而廷掾張延為作答教其文甚美譚異而薦之
遂見升擢及譚為廬江延已為淮陵太守後為元帝軍詔祭酒

薦 寶范珖

顧榮吳國人元帝鎮江東以榮為軍司時南土之士未盡才用
榮又言陸士光貞正清貴金玉其質甘季思忠款盡誠膽幹殊

快殷慶元質畧有明規文武可施用榮族兄公讓明亮守節困
不易操會稽揚彥明謝行言皆服膺儒教足為公望賀生沈潛
青雲之士陶氏兄弟才幹雖少實事極佳凡此諸人皆南金也
書奏皆納之

袁秀為元帝鎮東從事中郎時陳頤避難於江西為丹陽內史
朱彥參軍琇薦頤於元帝遷鎮東行參軍事典法兵二曹干寶
與葛洪深相親友寶薦洪才堪國史選為散騎常侍領大著作
洪固辭不就寶位至散騎常侍

庾翼與桓溫友善常相期以寧濟之事溫尚南康長公主翼常
薦溫於明帝曰桓溫少有雄畧願陛下勿以常人遇之常壻畜
之宜委以方召之任託其私濟艱難之勲位至征西將軍領南

蠻校尉

應詹薦韋泓於元帝曰自遭喪亂人士易操至乃任運固窮耿
介守節者少矣伏見議郎韋泓年三十八字元量執心清冲才
識備濟躬耕隴畝不煩人役靜默居常不豫政事昔年流移來
在詹境經寇喪資一身時兵短褐不掩形菜蔬不充朝而抗志
彌厲不遊非類回稱不改其樂泓有其分明公輔亮皇室恢維
宇宙四門開闢英彥覓藻牧春華於京輦採秋實於巖藪而泓
抱璞荆山未剖和璧若蒙銓召付以列曹必能協隆鼎味緝熙
庶績者也帝即辟之詹位至平南將軍

宋劉穆之初為高祖太尉司馬謝晦初為益祖建威府中兵參
軍昶死高祖問劉穆之益祖參佐誰堪入我府穆之舉晦即命

為太尉參軍

穆之此所薦達不進不止常云我雖不及苟令君之舉善然不舉不善

王景文即和人少與謝莊齊名莊子籛年七歲景文見而異之言於孝武召見於衆人中籛舉止閑詳應對合旨帝悅之景文位至中書監領太子太傅

南齊杜景先始平東山開舍授學孔稚珪周顒謝籛並致書以通殷勤永明十年稚珪及光祿大夫陸澄祠部尚書虞悛太子右率沈約司徒右長史張融表薦京先曰竊見吳郡杜景先潔靜為心謙虛成性通和發於天挺敏達表於自然學遍立儒博通史子流漣文藝沉吟道奧泰初之朝掛冠辭世遁舍家業隱于大平葺宇巖採芝幽澗耦耕自足薪金有餘確爾不群淡然寡欲麻衣藿食二十餘載維古之志士何以加之謂宜釋巾幽

谷結組登朝則巖谷灌薜蘿起抃笑不報建武初徵為員外散騎侍郎京先曰莊生持釣豈為白璧所迴辭疾不就

顧嵩之吳郡人為司徒左西曹掾同郡陸厥少有風槩好屬文五言詩体甚新變永明九年詔百官舉士嵩之表薦焉梁范鎮為中書郎與裴子野未遇聞其行業而善焉會遷國子博士乃上表讓之曰伏見前冠軍府錄事參軍裴子野年四十字幾原幼稟至人之行長厲國士之風居喪有禮毀瘠幾滅免憂之外蔬水不進棲遲下位身賤名微而性不憚憚情無汲汲是以有識嗟推州閭嘆服且家傳素業垂習儒史苑囿經籍遊息文藝者著宋二十卷彌綸首尾勤成一代屬辭比事有足觀者且章句洽訓故可傳脫置之膠庠以弘獎後進庶一夔之辯可尋織

介之疑無謬矣伏惟皇家淳耀多事盈庭官人邁乎有媯超於
姬氏苟片善宜錄無論厚薄一介可求不由等級臣歷觀古今
人君欽賢好善未有聖朝孜孜若是之至也敢緣斯義輕陳愚
替乞以臣忝斯廼授子野如此則賢否之宜各全其所訊之物
議誰曰不允臣與子野雖未嘗銜盃訪之邑里差非虛謬不勝
悽悽微見冒昧陳聞伏願陛下哀憐愴歎鑒其愚實干犯之僇
乞垂赦宥有司以資歷非次弗為通裴儉馮翊人也鄉人吉盼
為相州刺史柳免主簿儉與丹陽守臧遁揚州中正張交連名
薦盼以為孝行純至明通易老勅伏大常旌舉

徐勉為太子事天監中勉舉晉安王府參軍劉杳及顧協何思
澄等入華林撰編畧

後魏游雅廣平任人與高允俱知名太延中以前後南使不稱
妙簡行人雅薦兄弟推應選使宋南人稱其才辯又稱薦同郡
游明根於大武擢為中書學士雅位至秘書監

北齊慕容紹宗兄紹樂為樂平太守時河間人信都芳善天文
筭數隱於并州樂平之東山保樂聞而召之芳不得已而見焉
於是紹宗薦之於齊獻武王以為中外府田曹參軍紹宗位至
徐州刺史

後周唐瑾封臨淄公時柱國府記室參軍樂運性方直未嘗求
媚於人瑾薦露門學士

隋高孝基為雍州司馬時杜淹與韋福嗣共入大白山中揚言
隱逸文帝聞而惡之謫戍江表後淹還鄉里以經籍為娛閉門

不出孝基有知人之鑒上表薦之授承奉郎唐常何貞觀初為中即將馬周至京師舍於何之家于時太宗正開上書之路虛懷于政術周欲陳便宜二十餘事無由自達遣何奏之事皆合旨太宗怪而問何何答曰此非臣之所發慮乃臣家客馬周也與臣言未嘗不以忠孝為意於是召見與語深竒之宜令直門下省及令房玄齡試其經義及時務策擢第授儒林郎守監察御史奉使稱旨太宗甚悅以常何舉得其人賜絹百疋

張行成貞觀中為太子詹事太宗征遼高宗於定州監國即行成本邑也行成因薦鄉人魏唐卿崔寶權馬龍駒張君勃等皆以學行著聞太子召見以其老不任職乃禮而遣之

李栖筠才器絕倫而樂人攻己之短獎善舉能常薦文武將吏三百餘人登將相踐臺閣顯於時者僅數十人栖筠位至御史大夫

李行脩為殿中長慶三年六月授進士費冠卿右拾遺冠卿及第歸而父母沒常恨不及榮養遂絕跡仕進行脩薦之除官



